

28 июня 2026. Воскресение. Пророк Амос.

Великая Вечерня (приходская)

Диакон: Востáните!

Лик: Гóсподи, благословí!

Священник, изображая кадилом крест перед престолом: Сла́ва Святéй, и Единосу́щей, и Животворя́щей, и Неразделе́ней Тро́ице всегда́, ны́не и прísно, и во ве́ки веко́в.

Лик: Амíнь.

Священнослужители в алтаре:

Приидíте, поклонíмся Царéви нáшему Бóгу.

Приидíте, поклонíмся и припадéм Христú Царéви нáшему Бóгу.

Приидíте, поклонíмся и припадéм Самомú Христú, Царéви и Бóгу нáшему.

Приидíте, поклонíмся и припадéм Емú.

Затем совершается полное каждение храма при пении стихов предначинательного псалма 103. По Уставу после каждения при пении 2-й половины 103 псалма Священник, стоя с непокрытой головой перед Царскими вратами, должен читать светильничные молитвы. На практике, однако, молитвы читаются во время мирной ектении, а при служении одним Священником без диакона — опускаются

Лик: Благословí, душé моя́, Гóспода. Благословéн есí, Гóсподи. Гóсподи, Бóже мой, возвели́чился есí зело́. Благословéн есí, Гóсподи. Во исповéдание и в велелéпоту облéкся есí. Благословéн есí, Гóсподи. Посредé гор прóйдут во́ды. Дíвна дела́ Твоя́, Гóсподи. Вся премúдростию сотвори́л есí. Сла́ва Ти, Гóсподи, сотвори́вшему вся.

Сла́ва Отцú и Сы́ну и Святóму Дúху, и ны́не и прísно и во ве́ки веко́в. Амíнь.

Аллилу́иа, аллилу́иа, аллилу́иа, сла́ва Тебе́ Бóже. **(Трижды).**

По окончании предначинательного псалма диакон, выйдя северными вратами и став, как обычно на амвоне, произносит великую ектению.

Ектения великая

Диакон: Мíром Гóсподу помóлимся.

Лик: Гóсподи, помíлуй *(на каждое прошение)*.

Диакон: О свýшнем мíре и спасéнии душ нáших, Гóсподу помóлимся.

Диакон: О мíре всегó мíра, благостоянии святýх Бóжиих церквéй и соединéнии всех, Гóсподу помóлимся.

Диакон: О святém хрáме сем и с вéрою, благоговéнием и стрáхом Бóжиим входящих в онь...

Диакон: О Вели́ком Господíне и отцé нáшем, Святéйшем Патриáрхе Кири́лле, честнém пресвítерстве, во Христé диа́констве и о всем прíчте и лю́дех, Гóсподу помóлимся.

Диакон: О Богохрани́мей странé нáшей, властéх и во́инстве ея́, Гóсподу помóлимся.

Диакон: О гра́де сем, вся́ком гра́де, странé и вéрою живýщих в н́их, Гóсподу помóлимся.

Диакон: О бла́горастворéнии воздýхов, о изобíлии плодóв земнýх и вре́менех мíрных, Гóсподу помóлимся.

Диакон: О пла́вающих, путеше́ствующих, недúгующих, стра́ждущих, пленéнных и о спасéнии их, Гóсподу помóлимся.

Диакон: О избáвиться нам от вся́кия скóрби, гнéва и нýжды, Гóсподу помóлимся.

Диакон: Заступí, спасí, помíлуй и сохрани́ нас, Бóже, Твоéю благодáтию.

Диакон: Пресвятýю, Пречíстую, Преблагословéнную, Сла́вную Влады́чицу нáшу Богорóдицу и Приснодéву Мари́ю со все́ми святýми помяну́ше, са́ми себé и друг дру́га, и весь живóт наш Христý Бóгу преда́дим.

Лик: Тебé, Гóсподи.

Священник: Я́ко подобáет Тебé вся́кая сла́ва, честь и поклонéние, Отцý, и Сы́ну, и Святóму Дýху, ны́не и прíсно, и во вéки веко́в.

Лик: Амíнь.

1 антифон 1 кафизмы («Блажен муж»)

Блаже́н муж, и́же не и́де на сове́т нече́сти́вых. Аллилуия **(трижды)**.

Яко весть Госпо́дь путь пра́ведных, и путь нече́сти́вых по-
ги́бнет. Аллилуия **(трижды)**.

Работайте Господеви со страхом и радуйтесь Ему с трепе-
том. Аллилуия **(трижды)**.

Блажени вси надеющиися Нань. Аллилуия **(трижды)**.

Воскресни, Господи, спаси мя, Боже мой. Аллилуия **(три-
жды)**.

Господне есть спасение и на людех Твоих благословение
Твое. Аллилуия **(трижды)**.

Слава Отцу и Сыну и Святому Духу, и ныне и присно и во
веки веков. Аминь. Аллилуия **(трижды)**.

Аллилуиа, аллилуиа, аллилуиа. Слава Тебе, Боже. **(Три-
жды)**.

Ектения малая

Диакон: Па́ки и па́ки, ми́ром Го́споду помо́лимся.

Лик: Го́споди, поми́луй.

Заступи́, спаси́, поми́луй и сохрани́ нас, Бо́же, Твое́ю благода́тию.

Лик: Го́споди, поми́луй.

Пресвяту́ю, Пречи́стую, Преблагослове́нную, Сла́вную Влады́чицу на́шу Бого-
ро́дицу и Присноде́ву Мари́ю со все́ми святы́ми помяну́вше, са́ми себе́ и друг
друга́, и весь живо́т наш Христу́ Бо́гу преда́дим.

Лик: Тебе́, Го́споди.

Священник: Яко Ты еси Бог наш, Бог милovati и спасати, и Тебе славу возсылаем, Отцу и Сыну и Святому Духу, ныне и присно, и во веки веков.

Лик: Аминь.

Стихиры на «Господи, воззвах» (сокращенно, на 6)

Канонарх: Глас 3, Господи, воззвах к Тебе, услыши мя.

Лик: Господи, воззвах к Тебе, услыши мя.// Услыши мя, Господи.

Господи, воззвах к Тебе, услыши мя:/ вонми гласу моления моего,/ внегда воззвати ми к Тебе.// Услыши мя, Господи.

Да исправится молитва моя,/ яко кадило пред Тобою,/ воздеяние руку мою/ жертва вечерняя.// Услыши мя, Господи.

На 10, стих: Изведи из темницы душу мою,/ исповедатися имени Твоему.

Стих: Мене ждут праведницы/ дондеже воздаси Мне.

На 8, стих: Из глубины воззвах к Тебе Господи,/ Господи, услыши глас мой.

Стих: Да будут уши Твои/ внимлюще гласу моления моего.

Октоих, глас 3, Неделя на 3

На 6, стих: Аще безакония назириши, Господи, Господи, кто постоит?/

Яко у Тебе очищение есть.

Твоим Крестом, Христэ Спасе,/ смерти держава разрушися,/ и диаволя прелесть упразднися:/ род же человеческий верою спасаемый// песнь Тебе всегда приносит.

Стих: Имене ради Твоего потерпех Тя, Господи, потерпé душа моя в слово Твое,/

упова душа моя на Господа.

Просветишася всяческая/ Воскресением Твоим, Господи,/ и рай паки отверзется:/ вся же тварь восхваляючи Тя,// песнь Тебе всегда приносит.

На 4. Стѹх: От стражи ўтрення до нѹщи, от стражи ўтрення,/ да уповáет Изрáиль на Гѹспода.

Слáвлю Отцá и Сýна сýлу,/ и Святáго Дýха поý влáсть,/ не-
раздѣльное, несоздáнное Божество,/ Трѹицу
единосýщную,// цáрствующую в вѣк вѣка.

прор. Амóса на 3, глас 2

Глас 2. Стѹх: Яко у Гѹспода мýлость, и мнѹгое у Него́ избавлѣние,/ и Тѹй избáвит Изрáиля от всѣх беззакѹний его́.

Обрѣте духѹвная заря́ твоего́ умá, прорѹче,/ чистотý, сияю-
щую, я́коже зерцáло, я́вственно,/ и мир озарí Богоразýмня
сиянием блистáющую/ и прообразýющую Божѣственных
тáин ѹбразы,// благодáть же, всем челове́ком хотя́щую по-
дáтися, пречýдне.

Стѹх: Хвалíte Гѹспода всí язýцы,/ похвалíte Его́ всí лю́дие.

Устá быв Бѹжия,/ нечѣстия дѣлатели я́ве обличíл есý,/ су-
дѹм неизбѣжным тýя осудíв, пребогáте,/ прáведным учѣни-
ем послѣдуя/ и Божѣственным судѹм./ Тѣмже премýдрым
твоим глагѹлом/ вíдяще возведѣние, блажѣнне,// пѣсньми
достѹйно восхваля́ем тя.

Стѹх: Яко утвердýся мýлость Его́ на нáс,/ и йстина Госпѹдня пребывáет во вѣк.

Престѹлу Владýчню предсто́я/ и неизречѣнныя и Бо-
жѣственныя слáвы насыщáемь,/ добрѹты же зря премíр-
ныя/ и свѣта наполня́емь,/ Амóсе Богоглагѹливе,/ вся, чтý-

щия тя, вѣрою поминай,/ сим душѣвное спасѣние,/ разрешѣния же согрѣшѣний/ всем прося, Богоприятне.

Слава и ныне, глас 3: Сла́ва Отцѹ, и Сы́ну, и Свято́му Дѹху.

И ны́не, и прѣсно, и во вѣки веко́в. Ами́нь.

Ка́ко не дивѣмся/ Богомѹжному Рождествѹ Твоемѹ, Пречестна́я,/ искушѣния бо мѹжескаго не приѣмши, Всенепоро́чная,/ родила еси́ без отца́ Сы́на плѣтию,/ прѣжде век от Отца́ рождѣннаго без ма́тере,/ ника́коже претерпѣвшаго изменѣния,/ или́ смешѣния, или́ разделѣния,/ но обою́ существѹ сво́йство цѣло сохрѣншаго./ Тѣмже, Ма́ти Дѣво Влады́чице,/ Того́ моли́ спастѣся душѣм,// правосла́вно Богоро́дицу испове́дающих Тя.

Диакон: Благослови́, влады́ка, свято́й вход!

Священник: Благословѣн вход святы́х Твои́х всегда́, ны́не и прѣсно, и во вѣки веко́в.

Диакон, изображая крест кадилом, возглашает: Премѹдрость, прѣсти.

Вечерняя песнь Сыну Божию

Свѣте Тѣхий святы́я сла́вы,/ Безсме́ртнаго, Отца́ Небе́снаго,/ Свята́го Блаже́ннаго, Иису́се Христѣ./ Прише́дше на запа́д со́лнца,/ ви́девше свет вече́рний,/ поѣм Отца́, Сы́на и Свята́го Дѹха, Бо́га./ Досто́ин еси́ во вся временá/ пѣт бы́ти гла́сы преподо́бными,/ Сы́не Бо́жий, живо́т да́й,// тѣмже ми́р Тя сла́вит.

Диакон: Во́нмем.

Священник: Мир всем.

Лик: И дѹхови твоемѹ.

Прокимен в субботу вечера, глас 6:

Диакон: Премудрость. Вонмем. Прокимен, глас 6. Господь воцарися, / в лепоту облечеса.

Лик: Господь воцарися, в лепоту облечеса **(на каждый стих).**

Диакон: Облечеса Господь в силу и препоясася.

Диакон: Ибо утверди вселенную, яже не подвижится.

Диакон: Дому Твоему подобает святыня, Господи, в долготу дней.

Диакон: Господь воцарися

Лик: В лепоту облечеса.

Сугубая ектения

Диакон: Рцем вси от всея души, и от всего помышления нашего рцем.

Лик: Господи, помилуй.

Диакон: Господи Вседержителю, Боже отец наших, молим Ти ся, услыши и помилуй.

Лик: Господи, помилуй.

Диакон: Помилуй нас, Боже, по велицей милости Твоей, молим Ти ся, услыши и помилуй.

Лик: Господи, помилуй **(трижды на каждое прошение).**

Диакон: Еще молимся о Великом Господине и Отце нашем Святейшем Патриархе Кирилле, и всей во Христе братии нашей.

Священник: Яко Милостив и Человеколюбец Бог еси, и Тебе славу возсылаем, Отцу и Сыну и Святому Духу, ныне и присно и во веки веков.

Лик: Аминь.

Молитва при наступлении вечера

Лик: Сподоби, Господи, в вечер сей без греха сохранитися нам. / Благословен еси, Господи Боже отец наших, / и хваально и прославлено имя Твое во веки, аминь. / Буди, Господи,

мѣлость Твоя на нас, ѣкоже упова́хом на Тя./ Благословѣн еси́, Го́споди, научи́ мя оправда́нием Твои́м./ Благословѣн еси́, Влады́ко, вразуми́ мя оправда́нием Твои́м./ Благословѣн еси́, Святы́й, просвети́ мя оправда́нии Твои́ми./ Го́споди, мѣлость Твоя́ во век, дел рукú Твоёю не прѣзри./ Тебѣ подоба́ет хвала́. Тебѣ подоба́ет пѣние,/ Тебѣ сла́ва подоба́ет, Отцу́ и Сы́ну и Свято́му Ду́ху,/ ны́не и прѣсно и во ве́ки веко́в. Ами́нь.

Ектения просительная

Диакон: Исполним вечернюю моли́тву нашу Го́сподеви.

Лик: Го́споди, помѣлуй.

Диакон: Заступи́, спаси́, помѣлуй и сохрани́ нас, Бо́же, Твоёю благода́тию.

Лик: Го́споди, помѣлуй.

Диакон: Вѣчера всего́ соверше́нна, свѣта, мирна и безгрѣшна у Го́спода прѣсим.

Лик: Пода́й, Го́споди *(на каждое прошение)*.

Диакон: Ангела мирна, вѣрна наставника, хранителя душ и телѣс наших у Го́спода прѣсим.

Диакон: Пресвяту́ю, Пречистую, Преблагословѣнную, Сла́вную Влады́чицу нашу Богоро́дицу и Присноде́ву Мари́ю со все́ми святы́ми помяну́вше, са́ми себѣ и друг дру́га, и весь живо́т наш Христу́ Бо́гу преда́дим.

Лик: Тебѣ, Го́споди.

Священник: Яко благ и человеколю́бец Бог еси́, и Тебѣ сла́ву возсыла́ем, Отцу́, и Сы́ну, и Свято́му Ду́ху, ны́не и прѣсно, и во ве́ки веко́в.

Лик: Ами́нь.

Священник: Ми́р всем.

Лик: И ду́хови твоему́.

Диакон: Главы́ наша Го́сподеви приклони́м.

Лик: Тебѣ, Гóсподи.

Священник: Буди держава Цáрствия Твоегó благословѣна и препрослáвлена, Отцá, и Сына, и Святагó Дúха, ныне и прísно, и во вѣки векóв.

Лик: Амíнь.

Лития

В дни, когда совершается всенощное бдение, священнослужители исходят в притвор храма с пением литийных стихир храма (под воскресенье) или праздника для совершения литии. Диакон совершает каждение святых икон в притворе, настоятеля, поющих и народа.

Стихиры на литии

Стихира храма

Слава и ныне по гласу стихиры храма.

По окончании пения стихир диакон произносит следующие молитвенные прошения

Диакон: Спаси, Бóже, лю́ди Твоя́ и благослови́ достоя́ние Твое́...

Лик: Гóсподи, помíлуй. **(40 раз).**

Диакон: Ещѣ мо́лимся о Вели́ком Господíне и отцѣ на́шем Святѣйшем Патриáрхе Кири́лле и о всем во Христѣ бра́тстве на́шем...

Лик: Гóсподи, помíлуй. **(50 раз).**

Диакон: Ещѣ мо́лимся о е́же сохранíтися гра́ду семý, и свято́му хра́му семý, и вся́кому гра́ду и странѣ, от гла́да, губи́тельства, тру́са, пото́па, огня́, мечá, наше́ствия иноплеме́нников и междоусóбныхъ бра́ни; о е́же мíлостиву и благоуве́тливу бы́ти благо́му и человеколю́бивому Бóгу на́шему, отврати́ти вся́кий гнев на ны двíжимый, и изба́вити ны от належа́щаго и пра́веднаго Своегó пре́щения и помíловати ны.

Лик: Гóсподи, помíлуй. **(Трижды).**

Диакон: Ещѣ мо́лимся и о е́же услы́шати Гóсподу Бóгу глас молѣния нас, грѣшных, и помíловати нас.

Лик: Гóсподи, помíлуй. **(Трижды).**

Священник: Услы́ши ны, Бóже, Спасíтелю наш, упова́ние всех концевъ земли́ и сýщих в мо́ри далѣче, и мíлостив, мíлостив буди, Влады́ко, о гресѣх на́ших, и

помілуй ны. Мѣлостив бо и Человеколюбец Бог еси, и Тебѣ славу возсылаем, Отцу, и Сыну, и Святому Духу, ныне и присно, и во веки веков.

Лик: Амѣнь.

Священник: Мир всем.

Лик: И духови твоему.

Диакон: Главы наша Господеви приклоним.

Лик: Тебѣ, Господи.

Все преклоняют головы и Священник читает молитву велегласно:

Владыко многомилостиве, Господи Иисусе Христѣ, Божѣ наш, молитвами всепречистых Владычицы нашей Богородицы и Приснодѣвы Маріи, силою Честнаго и Животворящаго Креста, предстательства честных Небесных Сил безплотных, честнаго, славнаго пророка, Предтечи и Крестителя Иоанна...

Лик: Амѣнь.

Затем начинаются стихиры на стиховне и при их пении священнослужители входят из притвора в храм.

Стихиры на стиховне

Октоих, глас 3, Неделя на 4

Канонарх: Глас 3. Страстию Твоею, Христѣ.

Страстию Твоею, Христѣ,/ омрачивый солнце/ и светом Твоего Воскресения,/ просветивый всяческая,/ прими нашу вечернюю пѣснь,// Человеколюбче.

Стих: Господь воцарися./

Лик: в лепоту облечѣся.

Живопріемное Твое востаніе, Господи,/ вселенную всю просвети,/ и Твое создание истлѣвшее призви./ Тѣмже клятвы Адамовы изменшися, вопіем:// всесильне Господи, слава Тебѣ.

Стих: Ибо утверди вселенную./

Лик: яже не подвижится.

Бог сый неизмѣнен,/ плотию страждѣ изменился еси,/ Егѡже
тварь не терпящи вѣсяща зрѣти,/ страхом прекланяшеся,/ и
стенящи поет Твое долготерпѣние:/ сошед же во ад,
триднѣвен воскресл еси,// жизнь даруя мѡрви, и велию
милость.

Стих: Дѡму Твоему подобѣет святѣня, Господи./

Лик: в долготу днѣй.

Да род наш от смѣрти, Христѣ, избѣвиши,/ смѣрть претерпѣл
еси:/ и триднѣвен из мѣртвых воскрес,/ с Собѡю воскресил
еси, иже Тя Бога познавших:/ и мѡр просветил еси.//
Господи, слава Тебѣ.

Слава и ныне, глас 3: Слава Отцѣ, и Сыну, и Святому Духу.

Лик: И ныне, и присно, и во вѣки вѣков. Аминь.

Без семени от Божественнаго Духа,/ волею же Отчею зачала
еси Сына Божия,/ от Отца без матере прежде вѣк суща:/ нас
же ради, из Тебѣ без Отца бывша,/ плотию родила еси,/ и
младенца млеко́м пита́ла еси./ Тѣмже не престѣй молѣти,//
избавитися от бѣд душѣм нашим.

Молитва святаго Симеона Богоприимца

Лик: Ныне отпускаеши раба Твоего, Владыко,/ по глаго́лу
Твоему с мѡром:/ яко видѣста очи мой спасѣние Твое,/ еже
еси уготовал пред лицѣм всех людѣй,/ свет во откровѣние
языков,// и славу людѣй Твоѣх Израѣля.

Чтец: Святы́й Бо́же, Святы́й Кре́пкий, Святы́й Безсме́ртный, поми́луй нас *(трижды)*.

Сла́ва Отцу́ и Сы́ну и Свято́му Ду́ху, и ны́не и прісно и во ве́ки веко́в. Ами́нь.

Пресвята́я Тро́ице, поми́луй нас; Го́споди, очисти грехи́ на́ша; Влады́ко, прости́ беззако́ния на́ша; Святы́й, посети́ и исцели́ немо́щи на́ша, и́мене Твоего́ ра́ди.

Го́споди, поми́луй *(трижды)*.

Сла́ва Отцу́ и Сы́ну и Свято́му Ду́ху, и ны́не и прісно и во ве́ки веко́в. Ами́нь.

О́тче наш, И́же еси́ на Небесе́х! Да святі́тся и́мя Твое́, да прии́дет Ца́рствие Твое́, да бу́дет во́ля Твоя́, я́ко на Небеси́, и на землі. Хлеб наш насу́щный даждь нам днесь; и оста́ви нам до́лги на́ша, я́коже и мы оставля́ем должнико́м на́шим; и не введи́ нас во искуше́ние, но изба́ви нас от лука́ваго.

Священник: Я́ко Твое́ есть Ца́рство, и си́ла, и сла́ва, Отца́, и Сы́на, и Свята́го Ду́ха, ны́не и прісно, и во ве́ки веко́в.

Лик: Ами́нь.

Тропари

Глас 4: Богоро́дице Де́во, ра́дуйся,/ благода́тная Мари́е, Госпо́дь с Тобо́ю,/ Благослове́нна Ты в жена́х/ и благослове́н Плод чре́ва Твоего́,// я́ко Спа́са родила́ еси́ душ на́ших. *(Трижды)*

Во время пения тропарей диакон троекратно кадит вокруг стола, на котором предложены для освящения пять хлебов, пшеница и два сосуда – с вином и с елеем, и в конце – Священника. Священник же, взяв один хлеб, творит им знамение креста над прочими хлебами.

Диакон: Го́споду помо́лимся.

Лик: Го́споди, поми́луй.

Молитва на освящение хлебов

Священник: Го́споди Иису́се Христэ́, Бо́же наш, благослови́вый пять хле́бов и пять ты́сящ насы́тивый, Сам благослови́ и хле́бы сия, пше́ницу, вино́ и еле́й, и умно́жи сия во гра́де сем, и во всем ми́ре твоём, и вкуша́ющая от них верны́я

освятѣ. Яко Ты еси́ благословля́я и освяща́я всѣческая, Христѣ́ Бо́же наш, и Тебѣ́ сла́ву возсыла́ем, со безнача́льным Твоѣ́м Отце́м, и всесвяты́м, и благи́м, и животворя́щим Твоѣ́м Ду́хом, ны́не и прѣ́сно, и во ве́ки веко́в.

Лик: Ами́нь. Бу́ди ѡ́мя Госпо́дне благослове́но от ны́не и до ве́ка. *(Трижды)*

Псалом 33

Лик: Благословлю́ Го́спода на всякое вре́мя,/ вѣ́ну хвалá Егó во устѣ́х моѣ́х. О Го́споде похва́лится душа́ мо́я,/ да услы́шат крѣ́тцыи и возвеселя́тся. Возвели́чите Го́спода со мно́ю/ и вознесѣ́м ѡ́мя Егó вку́пе. Взыска́х Го́спода и услы́ша мя,/ и от всех скорбе́й моѣ́х изба́ви мя. Приступѣ́те к Немú и просветѣ́тся,/ и ли́ца ва́ша не посты́дятся. Сей ни́щий воззва́, и Госпо́дь услы́ша ѡ́, и от всех скорбе́й егó спасе́ ѡ́. Ополчи́тся А́нгел Госпо́день о́крест боя́щихся Егó,/ и изба́вит их. Вкуси́те и ви́дите, я́ко благ Госпо́дь;/ блаже́н муж, ѡ́же упова́ет на́нь. Бо́йтесь Го́спода, вси святи́и Егó,/ я́ко несть лишѣ́ния боя́щимся Егó. Богáтии обнища́ша и взалка́ша,// взыска́ющи же Го́спода не лишáтся вся́кого бла́га.

Священник же, пройдя вперед, стоит пред Царскими вратами. По окончании же пения псалма, благословляя народ, возглашает:

Благослове́ние Госпо́дне на вас. Того́ благода́тию и человеколю́бием, всегда́, ны́не и прѣ́сно и во ве́ки веко́в.

Лик: Ами́нь.

Воскресная утренняя (приходская)

Шестопсалмие

И начинаем шестопсалмие, слушая со всяким молчанием и умилением; читающий же брат с благоговением и страхом Божиим произносит:

Чтец: Слава в вы́шних Бо́гу, и на землі мир, в челове́цах благоволе́ние. **(Трижды)**

Го́споди, устне́ мой отве́рзеши, и уста́ моя возвестят хвалу́ Твою́. **(Дважды)**

Псалом 3

Го́споди, что ся умно́жиша стужа́ющие ми? Мно́зи востаю́т на мя, мно́зи глаго́лют души́ мое́й: несть спасе́ния е́му в Бо́зе егó. Ты же, Го́споди, Засту́пник мой еси́, сла́ва моя и вознося́й главу́ мою. Гла́сом моим ко Го́споду воззва́х, и услы́ша мя от горы́ святы́я Своея́. Аз усну́х, и спях, воста́х, я́ко Госпо́дь засту́пит мя. Не убою́ся от тем люде́й, о́крест напа́дающих на мя. Воскресни́, Го́споди, спаси́ мя, Бо́же мой, я́ко Ты порази́л еси́ вся вражду́ющыя ми всу́е: зу́бы грешников сокруши́л еси́. Госпо́дне есть спасе́ние, и на лю́дех Твои́х благослове́ние Твое́.

Аз усну́х и спях; воста́х, я́ко Госпо́дь засту́пит мя.

Псалом 37

Го́споди, да не я́ростию Твое́ю обличи́ши мене́, ниже́ гне́вом Твои́м нака́жеша мене́. Я́ко стрéлы Твоя́ унзо́ша во мне, и утверди́л еси́ на мне ру́ку Твою́. Несть исцеле́ния в плóти мое́й от лица́ гнева́ Твоегó, несть ми́ра в костéх моих от лица́ грех моих. Я́ко беззакóния моя́ превзыдо́ша главу́ мою́, я́ко брeмя тяжкое́ отяготéша на мне. Возсмердéша и согни́ша раны́ моя от лица́ безумия́ моего́. Пострада́х и сляко́хся до конца́, весь день сeтуя́ хожда́х. Я́ко лядвия́ моя́ напо́лнишася поругáний, и несть исцеле́ния в плóти мое́й. Озло́блен бых и смири́хся до зeла́, рыка́х от воздыхáния сeрдца моего́. Го́споди, пред Тобо́ю все желáние моé и воздыхáние моé от Тебé не утайся. Сeрдце моé смятeся, оста́ви мя си́ла моя́, и свет oчию́ мое́ю, и той несть со мно́ю. Друзи́ мои́ и и́скреннии мои́ прямо́ мне прибли́жишася и ста́ша, и бли́жнии мои́ отдалéче мене́ ста́ша и нужда́хуся и́щущи ду́шу мою́, и и́щущи злáя мне глаго́лаху суетная́ и льстивным весь день поучáхуся. Аз же я́ко глух не слы́шах и я́ко нем не отверзáя уст своих. И бых я́ко человек не слы́шай и не имый во устéх своих обли́чeния. Я́ко на Тя, Го́споди, упова́х, Ты услы́шиши, Го́споди Бо́же мой. Я́ко рех: да не когда́ пора́дуют ми ся врази́ мои́: и внегда́ подвижа́тися нога́м

моим, на мя велеречеваша. Яко аз на раны готов, и болезнь моя предо мною есть выну. Яко беззаконие мое аз возведу и попекуся о гресе моем. Вразі же мой живут и укрепішася паче мене, и умножишася ненавидящими мя без правды. Воздающими ми злая возлагая оболгаву мя, зане гонях благостію. Не остави мене, Господи Боже мой, не отступи от мене. Вонми в помощь мою, Господи спасения моего.

Не остави мене, Господи Боже мой, не отступи от мене. Вонми в помощь мою, Господи спасения моего.

Псалом 62

Боже, Боже мой, к Тебе утреннюю, возжада Тебе душа моя, коль множицею Тебе плоть моя, в земли пуста и непроходна, и безводна. Тако во святем явхся Тебе, видети силу Твою и славу Твою. Яко лучши милость Твоя паче живот, устны мои похваляю Тя. Тако благословлю Тя в животе моем, о имени Твоем воздежу руки мои. Яко от тука и масти да исполнится душа моя, и устнами радости восхвалят Тя уста мои. Аще поминах Тя на постели моей, на утренних поучахся в Тя. Яко был еси помощник мой, и в крове крилу Твоею возрадуюся. Прильпе душа моя по Тебе, мене же прият десница Твоя. Тии же все исказа душу мою, внидут в преисподняя земли, предадутся в руки оружия, части лицевом будут. Царь же возвеселится о Боже, похвалится всяк кленый Им, яко заградися уста глаголющих неправедная.

На утренних поучахся в Тя, яко был еси Помощник мой, и в крове крилу Твоею возрадуюся.

Прильпе душа моя по Тебе, мене же прият десница Твоя.

Слава Отцу, и Сыну, и Святому Духу, и ныне, и присно, и во веки веков. Аминь.

Аллилуия, аллилуия, аллилуия, слава Тебе, Боже. *(Трижды, без поклонов)*

Господи помилуй *(трижды)*.

Слава Отцу, и Сыну, и Святому Духу, и ныне, и присно, и во веки веков. Аминь.

Священник выходит из алтаря северной дверью и с непокрытой головой перед Царскими вратами тайно читает 12 утренних молитв.

Псалом 87

Господи Боже спасения моего, во дни возвах, и в ночи пред Тобою. Да внидет пред Тя молитва моя: приклони ухо Твое к молению моему, яко

исполнися зол душа моя, и живот мой аду приближися. Привменен бых с низходящими в ров, бых яко человек без помощи, в мертвых свободь, яко язвеннии спящими во гробе, ихже не помянул еси ктому, и тии от руки Твоея отриновени быша. Положиша мя в ро́ве преисподнем, в темных и сени смертной. На мне утвердися ярость Твоя, и вся волны Твоя навел еси на мя. Удалил еси знаемых моих от мене, положиша мя мерзость себе: предан бых и не исхождах. Очи мои изнемогосте от нищеты, возвах к Тебе, Господи, весь день, вздох к Тебе рuce мой. Еда мертвыми твои́ши чудеса? Или́ враче́ве воскресят, и испове́дятся Тебе́? Еда пове́сть кто во гробе́ ми́лость Твою́, и и́стину Твою́ в по́гибели? Еда позна́на бу́дут во тьме чудеса́ Твоя́, и пра́вда Твоя́ в землі забвённой? И аз к Тебе́, Господи, возвах и утро моли́тва моя́ предварит Тя. Вскую́, Господи, отрееши ду́шу мою́, отвраща́еши лице́ Твое́ от мене́? Нищ есмь аз, и в труде́х от юности моея́; вознес же ся, смири́хся, и изнемого́х. На мне преидо́ша гне́ви Твои́, устраше́ния Твоя́ возмути́ша мя, обыдо́ша мя яко вода́, весь день одержа́ша мя вку́пе. Удалил еси́ от мене́ дру́га и и́скренняго, и знаемых моих от страсте́й.

Господи Бо́же спасе́ния моего́, во дни возвах и в но́щи пред Тобо́ю. Да вни́дет пред Тя моли́тва моя́, приклони́ у́хо Твое́ к моле́нию моему́.

Псалом 102

Благослови́, душе́ моя́, Господа́, и вся вну́тренняя моя́ и́мя святое Егó. Благослови́, душе́ моя́, Господа́, и не забыва́й всех воздая́ний Егó, очища́ющего вся беззакóния тво́я, исцеля́ющего вся недуги тво́я, избавля́ющего от и́стления живо́т твой, венча́ющего тя ми́лостию и щедро́тами, исполня́ющего во благих желáние твоё: обновится́ яко орля́ юность тво́я. Твори́й ми́лостыни Господь, и судьбу́ всем обидимым. Ска́за пути́ Своя́ Моисе́ови, сыновóм Изра́илевым хоте́ния Своя́: щедр и ми́лостив Господь, долготерпели́в и многомилóстив. Не до конца́ прогне́вается, ниже́ во век вражду́ет, не по беззакóнию на́шим сотвори́л есть нам, ниже́ по грехóм на́шим возда́л есть нам. Яко́ по высоте́ небéсней от земли́, утверди́л есть Господь ми́лость Свою́ на боя́щихся Егó. Ели́ко отстоя́т восто́цы от за́пад, удалил есть от нас беззакóния на́ша. Яко́же щедрит о́тец сы́ны, ущедри́ Господь боя́щихся Егó. Яко́ Той позна́ создание́ на́ше, помяну́, яко персть есмы́. Человек, яко́ трава́ дние егó, яко́ цвет сёльный, тако́ оцвете́т, яко́ дух про́йде в нем, и не бу́дет, и не позна́ет ктому́ ме́ста своего́. Ми́лость же Господня́ от ве́ка и до ве́ка на боя́щихся Егó, и пра́вда Егó на сыне́х сыно́в, храня́щих завет Егó, и по́мнящих за́поведи Егó твори́ти я́. Господь на небеси́ угото́ва престóл Свой, и Ца́рство Егó все́ми обла́дает. Благослови́те Господа́ вси́ А́нгели Егó, си́льнии кре́постию, твори́щи сло́во Егó, услы́шати глас словéс Егó. Благослови́те Господа́ вся

сілы Егó, слугі Егó, творящии волю Егó. Благословіте Гóспода вся дела Егó, на всяком мéсте владычества Егó, благослові, душе́ моя, Гóспода.

На всяком мéсте владычества Егó, благослові, душе́ моя, Гóспода.

Псалом 142

Гóсподи, услы́ши моли́тву мою́, внуши́ моле́ние моё во істине Твоёй, услы́ши мя в правде Твоёй и не вни́ди в суд с рабо́м Твои́м, я́ко не оправд́ится пред Тобо́ю всяк живы́й. Я́ко погна́ враг ду́шу мою́, смири́л есть в зéмлю живóт мой, посади́л мя есть в тёмных, я́ко мёртвые́ ве́ка. И уны́ во мне дух мой, во мне смяте́ся се́рдце моё. Помяну́х дни дрéвния, поучи́хся во всех дéлех Твои́х, в творéниях руку́ Твоёю поуча́хся. Воздéх к Тебе́ ру́це мой, душа́ моя́, я́ко земля́ безводная Тебе́. Ско́ро услы́ши мя, Гóсподи, исчезé дух мой, не отврати́ лица́ Твоегó от мене́, и уподóблюся низходя́щим в ров. Слы́шану сотвори́ мне за́втра мiлость Твою́, я́ко на Тя упова́х. Скажи́ мне, Гóсподи, путь во́ньже пойду́, я́ко к Тебе́ взях ду́шу мою́. Изми́ мя от враг мои́х, Гóсподи, к Тебе́ прибе́гох. Научи́ мя твори́ти волю́ Твою́, я́ко Ты еси́ Бог мой. Дух Твой благи́й наста́вит мя на зéмлю праву́. Имене́ Твоегó ра́ди, Гóсподи, живи́ши мя, правдою́ Твоёю изведе́ши от печа́ли ду́шу мою́. И мiлостию́ Твоёю потреби́ши враги́ моя́ и погуби́ши вся стужа́ющыя души́ моёй, я́ко аз раб Твой есмь.

Услы́ши мя, Гóсподи, в правде Твоёй, и не вни́ди в суд с рабо́м Твои́м.

Услы́ши мя, Гóсподи, в правде Твоёй, и не вни́ди в суд с рабо́м Твои́м.

Дух Твой Благи́й наста́вит мя на зéмлю праву́.

Сла́ва Отцу́, и Сы́ну, и Свято́му Ду́ху, и ны́не, и прiсно, и во ве́ки веко́в. Ами́нь.

Аллилу́ия, аллилу́ия, аллилу́ия, сла́ва Тебе́, Бо́же. *(Трижды)*

Ектения великая

Диакон: Мiром Гóсподу помо́лимся.

Лик: Гóсподи, помiлуй *(на каждое прошение)*.

Диакон: О свы́шнем мiре и спасéнии душ на́ших, Гóсподу помо́лимся.

Диакон: О мiре всего́ мiра, благостоя́нии святы́х Бо́жиих церквёй и соединéнии всех, Гóсподу помо́лимся.

Диакон: О святе́м хра́ме сем и с ве́рою, благоговéнием и стра́хом Бо́жиим входя́щих в онь, Гóсподу помо́лимся.

Диакон: О Вели́ком Госпо́дине и отце́ на́шем, Святе́йшем Патри́архе Кири́лле, честне́м пресви́терстве, во Христе́ диа́констве и о всем при́чте и лю́дех, Го́споду помо́лимся.

Диакон: О Богохрани́мей странé на́шей, власте́х и во́инстве ея́, Го́споду помо́лимся.

Диакон: О гра́де сем, вся́ком гра́де, странé и ве́рою живу́щих в ни́х, Го́споду помо́лимся.

Диакон: О бла́горастворе́нии возду́хов, о изоби́лии пло́дов земны́х и вре́менех ми́рных, Го́споду помо́лимся.

Диакон: О пла́вающих, путеше́ствующих, недугующих, стра́ждущих, пленённых и о спасе́нии их, Го́споду помо́лимся.

Диакон: О изба́виться нам от вся́кия ско́рби, гне́ва и ну́жды, Го́споду помо́лимся.

Диакон: Заступи́, спаси́, помилуй и сохрани́ нас, Бо́же, Твое́ю благода́тию.

Диакон: Пресвяту́ю, Пречи́стую, Преблагослове́нную, Сла́вную Влады́чицу на́шу Богоро́дицу и Присноде́ву Мари́ю со все́ми святы́ми помяну́вше, са́ми себё и друг дру́га, и весь живо́т наш Христу́ Бо́гу преда́дим.

Лик: Тебе́, Го́споди.

Священник: Яко́ подоба́ет Тебе́ вся́кая сла́ва, честь и поклонё́ние, Отцу́, и Сы́ну, и Свято́му Ду́ху, ны́не и при́сно, и во ве́ки веко́в.

Лик: Ами́нь.

«Бог Госпо́дь»

Диакон: Бог Госпо́дь, и яви́ся нам, благослове́н Гряды́й во имя Госпо́дне.

И поем во глас 3 на каждый стих: Бог Госпо́дь, и яви́ся нам, благослове́н Гряды́й во имя Госпо́дне.

Стих 1: Испове́дайтесь Го́сподеви, я́ко Благ, я́ко в век ми́лость Его́.

Стих 2: Обыше́дше обыдо́ша мя, и и́менем Госпо́дним противля́хся им.

Стих 3: Не умру́, но жив бу́ду, и пове́м дела́ Госпо́дня.

Стих 4: Ка́мень, Его́же небрего́ша зи́ждущии, Сей бысть во главу́ у́гла, от Го́спода бысть Сей, и есть дивен во очесе́х на́ших.

Глас 3: Да веселя́тся небéсная,/ да ра́дуются земна́я,/ я́ко сотвори́ держа́ву/ мýшцею Своёю Госпóдь,/ попрá смёртию смёрть,/ пёрвенец мёртвых бýсть;/ из чрэва áдова избáви нáс, // и подаде́ мýрови вéлию мýлость. **(Дважды)**

Слáва Отцý, и Сы́ну, и Свято́му Дýху.

Тропарь прор. Амóса

Глас 2: Проро́ка Твоего́ Амóса па́мять, Го́споди, пра́зднующе, / те́м Тя мо́лим, // спаси́ дýшы нáша.

И ны́не, и прýсно, и во вéки веко́в. Ами́нь.

Глас 2: Вся па́че смýсла,/ вся преслáвная Твоя́, Богоро́дице, та́инства,/ чистоте́ запеча́танной и дéвству храни́му,/ Ма́ти позна́лася еси́ нелóжна,/ Бо́га ро́ждши И́стиннаго. // Того́ моли́ спастýся душáм нáшим.

Лик: Го́споди, помýлуй. **(Трижды)** Слáва Отцý и Сы́ну и Свято́му Дýху.

Чтец: И ны́не и прýсно, и во вéки веко́в. Ами́нь.

Кафизма 2

Псалом 10

На Го́спода упова́х, ка́ко рече́те душі́ моёй: превита́й по гора́м, я́ко пти́ца? Я́ко се, грéшницы наляко́ша лук, угото́ваша стрéлы в ту́ле, состре́ляти во мра́це пра́выя сёрдцем. Занé я́же Ты соверши́л еси́, о́ни разруши́ша, пра́ведник же что сотвори́? Госпóдь во хра́ме святе́м Своём. Госпóдь, на небеси́ престóл Его́, о́чи Его́ на ни́щаго призира́ете, ве́жди Его́ испытáете сы́ны челове́ческия. Госпóдь испытáет пра́веднаго и нечести́ваго, любя́й же неправду ненави́дит свою́ дýшу. Одожди́т на грéшники се́ти, огонь и жýпел, и дух бýрен часть ча́ши их. Я́ко пра́веден Госпóдь, и пра́вды возлюби́, правоты́ ви́де лице́ Его́.

Чтец: Слáва Отцý и Сы́ну и Свято́му Дýху.

Лик: И ны́не и прѣсно, и во вѣки веко́в. Ами́нь. Аллилу́иа, аллилу́иа, аллилу́иа, сла́ва Тебе́ Бо́же. **(Трижды)** Го́споди, помѣлуй. **(Трижды)** Сла́ва Отцу́ и Сы́ну и Свято́му Ду́ху.

Чтец: И ны́не и прѣсно, и во вѣки веко́в. Ами́нь.

Псалом 12

Докóле, Го́споди, забúдеши мя до конца́? Докóле отвраща́еши лице́ Твое́ от мене́? Докóле положу́ советы́ в души́ моей, болѣзни в сѣрдце моёмъ день и ночь? Докóле вознесётся враг мой на мя? При́зри, услы́ши мя, Го́споди Бо́же мой, просвети́ очи́ мои́, да не когда́ усну́ в смерть, да не когда́ речёт враг мой, укрепѣхся на него́. Стужа́ющие ми возра́дуются, а́ще подви́жуся. Аз же на мѣлость Твою́ упова́х, возра́дуется сѣрдце моё о спасѣнии Твоемъ, воспою́ Го́сподеви благоде́явшему мне и пою́ имени Го́спода Вы́шняго.

Чтец: Сла́ва Отцу́ и Сы́ну и Свято́му Ду́ху.

Лик: И ны́не и прѣсно, и во вѣки веко́в. Ами́нь. Аллилу́иа, аллилу́иа, аллилу́иа, сла́ва Тебе́ Бо́же. **(Трижды)** Го́споди, помѣлуй. **(Трижды)** Сла́ва Отцу́ и Сы́ну и Свято́му Ду́ху.

Чтец: И ны́не и прѣсно, и во вѣки веко́в. Ами́нь.

Псалом 14

Го́споди, кто обита́ет в жилищи́ Твоемъ? Или́ кто вселится́ во святу́ю гору́ Твою́? Ходя́й непоро́чен и дѣлая́й пра́вду, глаго́ляй и́стину в сѣрдце своёмъ. Ё́же не ульсти́ языкомъ своимъ и не сотвори́ искреннему́ своему́ зла, и поноше́ния не при́ят на б́лижния своя́. Уничижѣ́н есть предъ нимъ лука́вну-яй, боя́щия же ся́ Го́спода сла́вит, кленѣ́йся искреннему́ своему́ и не от-метая́ся. Сребра́ своего́ не даде́ в ли́хву и мзды на неповѣ́нных не при́ят. Творя́й сѣя́ не подви́жится во векъ.

Чтец: Сла́ва Отцу́ и Сы́ну и Свято́му Ду́ху, и ны́не и прѣсно, и во вѣки ве-ко́в. Ами́нь.

Аллилу́иа, аллилу́иа, аллилу́иа, сла́ва Тебе́ Бо́же. **(Трижды)**

Ектения малая

Диакон: Па́ки и па́ки, ми́ром Го́споду помо́лимся.

Лик: Го́споди, помѣлуй.

Заступи́, спаси́, помилуй и сохрани́ нас, Бо́же, Твое́ю благода́тию.

Лик: Го́споди, помилуй.

Пресвяту́ю, Пречи́стую, Преблагословенну́ю, Сла́вную Влады́чицу на́шу Бого-
ро́дицу и Присноде́ву Мари́ю со все́ми святы́ми помяну́вше, са́ми себе́ и друг
дру́га, и весь живо́т наш Христу́ Бо́гу преда́дим.

Лик: Тебе́, Го́споди.

Священник: Яко Твоя́ держа́ва, и Твое́ есть ца́рство, и си́ла, и сла́ва, Отца́ и
Сы́на и Свята́го Ду́ха, ныне́, и прісно, и во ве́ки веко́в.

Лик: Ами́нь.

Седален по 1-ом стихословии

Христос от ме́ртвых воста́, нача́ток усо́пших: перворожде́н тва́ри, и Со-
де́тель все́х бы́вших, истле́вшее естество́ ро́да на́шего в себе́ Само́м об-
нови́. Не ктому́ сме́рте облада́еши: и́бо все́х Влады́ка держа́ву твою́ раз-
руши́.

Стих: Воскресни́, Го́споди Бо́же мой, да вознесе́тся рука́ Твоя́, не забу́ди
убо́гих Твои́х до конца́.

Пло́тию сме́рти вкусив, Го́споди, го́ресть сме́рти пресе́кл еси́ воста́нием
Твои́м, и челове́ка на ню́ укрепил еси́, пе́рвыя кля́твы одоле́ние
призыва́я: Защи́тнице жи́зни на́шей, Го́споди, сла́ва Тебе́.

Сла́ва Отцу́, и Сы́ну, и Свято́му Ду́ху, и ны́не, и прісно, и во ве́ки веко́в.
Ами́нь.

Тя, ходата́йствовавшую спасе́ние ро́да на́шего, / воспева́ем, Богоро́дице
Де́во: / пло́тию бо, от Тебе́ восприя́тою, Сын Твой и Бог наш, / Кресто́м
воспри́им Страсть, / изба́ви нас от тли, я́ко Человеколю́бец.

Лик: Го́споди, помилуй. **(Трижды)** Сла́ва Отцу́ и Сы́ну и Свя-
то́му Ду́ху.

Чтец: И ны́не и прісно, и во ве́ки веко́в. Ами́нь.

Кафизма 3

Псалом 19

Услы́шит тя Госпо́дь в день печа́ли, защи́тит тя и́мя Бо́га Иа́ковля. По́слет
ти по́мощь от Свята́го и от Си́она засту́пит тя. Помяне́т всяку́ же́ртву

твою, и всесоужение твоё точно буди. Даст ти Господь по сердцу твоему и весь совет твой исполнит. Возрадуемся о спасении твоём и во имя Господа Бога нашего возвеличимся. Исполнит Господь вся прошения твои. Ныне познах, яко спасе Господь христа Своего, услышит его с небесе святого Своего, в силах спасение десницы Его. Сии на колесницах, и сии на конях, мы же во имя Господа Бога нашего призовём. Тии спяти быша и падоша, мы же востанем и исправимся. Господи, спаси царя и услыши ны, воньже аще день призовём Тя.

Чтец: Слава Отцу и Сыну и Святому Духу.

Лик: И ныне и присно, и во веки веков. Аминь. Аллилуиа, аллилуиа, аллилуиа, слава Тебе Боже. **(Трижды)** Господи, помилуй. **(Трижды)** Слава Отцу и Сыну и Святому Духу.

Чтец: И ныне и присно, и во веки веков. Аминь.

Псалом 22

Господь пасёт мя, и ничтоже мя лишит. На месте злачне, тамо всели мя, на воде покойне воспита мя. Душу мою обрати, настави мя на стези правды, имене ради Своего. Аще бо и пойду посреде сени смертных, не убоюсь зла, яко Ты со мною еси, жезл Твой и палица Твоя, та мя утешиста. Уготовал еси предо мною трапезу против стужающим мне, умастил еси елеем главу мою, и чаша Твоя упоивающи мя, яко державна. И милость Твоя поженёт мя вся дни живота моего, и еже вселити ми ся в дом Господень, в долготу дней.

Чтец: Слава Отцу и Сыну и Святому Духу.

Лик: И ныне и присно, и во веки веков. Аминь. Аллилуиа, аллилуиа, аллилуиа, слава Тебе Боже. **(Трижды)** Господи, помилуй. **(Трижды)** Слава Отцу и Сыну и Святому Духу.

Чтец: И ныне и присно, и во веки веков. Аминь.

Псалом 23

Господня земля, и исполнение её, вселенная и вси живущии на ней. Той на морях основал ю есть, и на реках уготовал ю есть. Кто взыдет на гору Господню? или кто станет на месте святем Его? Неповинен руками и чист сердцем, иже не прият всуе душу свою, и не клятса лестию искреннему своему. Сей примет благословение от Господа, и милостыню от Бога,

Спáса своего. Сей род и́щущих Гóспода, и́щущих лицé Бóга Иáковля. Возмíte вратá князи вáша, и возмíteся вратá вéчная, и вни́дет Царь Слáвы. Кто есть сéй Царь Слáвы? Госпóдь крéпок и сíлен, Госпóдь сíлен в брани. Возмíte вратá князи вáша, и возмíteся вратá вéчная, и вни́дет Царь Слáвы. Кто есть сéй Царь Слáвы? Госпóдь Сил, Той есть Царь Слáвы.

Чтец: Сла́ва Отцу́ и Сы́ну и Свято́му Дúху, и ны́не и прíсно, и во вéки веко́в. Ами́нь.

Аллилу́иа, аллилу́иа, аллилу́иа, сла́ва Тебе́ Бо́же. *(Трижды)*

Ектения малая

Диакон: Па́ки и па́ки, ми́ром Гóсподу помо́лимся.

Лик: Гóсподи, помíлуй.

Заступí, спасí, помíлуй и сохрани́ нас, Бо́же, Твое́ю благода́тию.

Лик: Гóсподи, помíлуй.

Пресвяту́ю, Пречи́стую, Преблагословенну́ю, Слáвную Влады́чицу на́шу Бого-ро́дицу и Присноде́ву Мари́ю со все́ми святы́ми помяну́вше, са́ми себе́ и друг дру́га, и весь живо́т наш Христу́ Бо́гу предади́м.

Лик: Тебе́, Гóсподи.

Священник: Я́ко благ и Человеколю́бец Бог еси́, и Тебе́ сла́ву возсыла́ем, Отцу́ и Сы́ну и Свято́му Дúху, ны́не и прíсно, и во вéки веко́в.

Лик: Ами́нь.

Седален по 2-ом стихословии

Неизме́ннаго Божества́, и во́льныя стра́сти Твоея́, Гóсподи, ужа́сся а́д, в себе́ рыда́ше: трепéщу плóти Нетле́нныя Ипостáси (плотска́го неистлéвша состава), ви́жду Невидимаго, та́йно борю́ща мя. Те́мже и ихже держу́, зову́т: сла́ва, Христé, воскресéнию Твоему́.

Стих: Испове́мся Тебе́, Гóсподи, все́м се́рдцем мо́им, пове́м вся чудеса́ Твоя́.

Непостижи́мое распя́тия, и несказáнное востáния богослóвствуем, ве́рнии, таинство неизрече́нное: днéсь бо сме́рть и а́д пленíся, ро́д же

человѣческий в нетлѣние облечѣся. Тѣм благодарѣще вопиѣм Тѣ: слава, Христѣ, востанію Твоему.

Слава Отцѣ, и Сыну, и Святому Духу, и ныне, и присно, и во веки веков. Аминь.

Непостижимаго и Неописаннаго, Единосущнаго Отцѣ и Духови, во утробу Твою тайно вместила еси, Богородице, Едино и Несмѣсно от Троицы Божество: познахом рождество Твое в мире славити. Тѣмже и благодарственно вопиѣм Тѣ: радуйся, Благодатная.

Полиелей

Псалом 134

Лик: Хвалите имя Господне, хвалите, рабы Господа.

Припев: Аллилуия *(трижды)*. Благословен Господь от Сиона, живый во Иерусалиме. **Припев:** Аллилуия *(трижды)*.

Исповѣдайтесь Господеви, яко благ, яко в век милость Его.

Припев: Аллилуия *(трижды)*.

Исповѣдайтесь Богу Небесному, яко в век милость Его.

Припев: Аллилуия *(трижды)*.

Во время пения полиелея духовенство выходит царскими вратами в центр храма.

Далее духовенство (священник в предшествии диакона) совершает полное каждение храма, начиная с центрального аналя.

Тропарі воскресны, поемыя по Непорочнах, глас 5

Благословен еси, Господи, научи мя оправданием Твоим.

Ангельский собор удивися,/ зря Тебе в мертвых
вменившася,/ смертную же, Спасе, крепость разоривша,/ и с
Собою Адама воздвигша,// и от ада вся свободяща.

Благословен еси, Господи, научи мя оправданием Твоим.

Почто́ міра с мѣлостивными слеза́ми,/ о учени́цы,
растворя́ете?/ Блиста́йся во грóбе А́нгел миронóсицам
веща́ше:/ ви́дите вы гроб и уразумѣ́йте,// Спас бо воскресе
от грóба.

Благословѣ́н еси́, Го́споди, научи́ мя оправда́нием Твои́м.

Зело́ ра́но миронóсицы теча́ху/ ко грóбу Твоему́
рыда́ющия,/ но предста́ к ним А́нгел и рече́:/ рыда́ния вре́мя
преста́, не пла́чите,// воскресе́ние же апо́столом рцы́те.

Благословѣ́н еси́, Го́споди, научи́ мя оправда́нием Твои́м.

Миронóсицы жены́ с міры пришѣ́дшия/ ко грóбу Твоему́,
Спа́се, рыда́ху,/ А́нгел же к ним рече́, глаго́ля:/ что с
ме́ртвыми жива́го помышля́ете?// Яко Бог бо, воскресе от
грóба.

Сла́ва Отцу́, и Сы́ну, и Свято́му Ду́ху.

Поклонѣ́мся Отцу́/ и Егó Сы́нови, и Свято́му Ду́ху,/ Святе́й
Тро́ице во еди́ном существѣ́,/ с Серафѣ́мы зову́ще:// Свят,
Свят, Свят еси́, Го́споди.

И ны́не, и прѣ́сно, и во ве́ки веко́в. Ами́нь.

Жизнода́вца ро́ждши,/ греха́, Де́во, Ада́ма изба́вила еси́,/
радо́сть же Ё́ве/ в печа́ли ме́сто подала́ еси́,/ па́дшия же от
жи́зни/ к сей напра́ви// из Тебе́ воплоти́выйся Бог и Чело́вѣк.

Аллилу́ия, Аллилу́ия, Аллилу́ия, сла́ва Тебе́, Бо́же
(Трижды).

Малая ектения

Диакон: Па́ки и па́ки ми́ром Го́споду помо́лимся.

Лик: Го́споди, поми́луй.

Диакон: Заступи́, спаси́, поми́луй и сохрани́ нас, Бо́же, Твое́ю благодáтию.

Лик: Го́споди, поми́луй.

Диакон: Пресвяту́ю, Пречи́стую, Преблагословенну́ю, Сла́вную Влады́чицу нашу Богоро́дицу и Присноде́ву Мари́ю, со все́ми святы́ми помяну́вше, са́ми себё и друг дру́га, и весь живо́т наш Христу́ Бо́гу преда́дим.

Лик: Тебе́, Го́споди.

Священник: Я́ко благослови́ся и́мя Твое́ и просла́вится Ца́рство Твое́, Отца́, и Сы́на, и Свята́го Ду́ха, ны́не и прісно, и во ве́ки веко́в.

Лик: Ами́нь.

Седа́льны

Ипакои, глас 2: Удивля́я видѣ́нием, ороша́я глаго́лании, блиста́йся а́нгел мирно́сицам глаго́лаше: что́ Жива́го и́щите во грóбе; воста́ исто́щивый грóбы. Тли́ Премени́теля разуме́йте Непремѣ́ннаго. Рцы́те Бо́гови: ко́ль стра́шна дела́ Твоя́, я́ко ро́д спа́сл еси́ челове́ческий!

"Степенны" антифоны, глас 3

Антифон 1:

Плен Сио́нь Ты изъя́л еси́ от Вавило́на,/ и мене́ от страсте́й к живо́ту// привлецы́, Сло́ве.

В юг сею́щи слеза́ми Божѣ́ственными/ жнут кла́сы// ра́достью присноживо́тия.

Сла́ва Отцу́ и Сы́ну и Свято́му Ду́ху. И ны́не и прісно и во ве́ки веко́в. Ами́нь.

Свято́му Ду́ху вся́кое благода́рие,/ я́коже Отцу́ и Сы́ну, сооблиста́ет,// в Не́мже вся живу́т и дви́жутся.

Чтение Евангелия

Диакон: Вѡнмем. Премѹдрость. Вѡнмем.

Прокимен праздника, глас 3

Диакон: Прокимен, глас 3: Рцѣте во язѣцех, яко Господѹ воцарѣся,/ ѣбо исправи вселѣнную, яже не подвижится.

Лик: Рцѣте во язѣцех, яко Господѹ воцарѣся,/ ѣбо исправи вселѣнную, яже не подвижится.

Диакон: Воспойте Господевѣ песнь нѡву, воспойте Господевѣ вся землѣ.

Лик: Рцѣте во язѣцех, яко Господѹ воцарѣся,/ ѣбо исправи вселѣнную, яже не подвижится.

Диакон: Рцѣте во язѣцех, яко Господѹ воцарѣся,

Лик: ѣбо исправи вселѣнную, яже не подвижится.

Диакон: Господу помѡлимся.

Лик: Господи, помѣлуй.

Молитва перед чтением Евангелия

Священник: Яко свят еси, Бѡже наш, и во святѣх почиваеши, и Тебѣ славу возсылаем. Отцѹ и Сыну и Святому Дѹху, нѣне и присно и во вѣки вѣковъ.

Лик: Амѣнь.

Диакон: Всякое дыханіе/ да хвалит Господа.

Лик: Всякое дыханіе/ да хвалит Господа.

Диакон: Хвалите Бѡга во святѣх Его, хвалите Его в утвержденіи силы Его.

Лик: Всякое дыханіе/ да хвалит Господа.

Диакон: Всякое дыханіе

Лик: да хвалит Господа.

Диакон: И о сподѡбится нам слышанію святаго Евангелія Господа Бѡга мѡлим.

Лик: Господи, помѣлуй **(трижды)**.

Диакон: Премѹдрость, прѡсти! Услышим святаго Евангелія.

Священник: Мир всем.

Лик: И дѹхови твоемѹ.

Диакон: От Мάρка святаго Евáнгелия чтéние.

Лик: Сла́ва Тебе́, Го́споди, сла́ва Тебе́.

Священник: Во́нмем.

Евангелие от Луки, зачало 112. Евангелие 4-е воскресное. (Лк.24:1-12)

Во вре́мя о́но, во е́дину от суббо́т, зело́ ра́но приидо́ша жены́ на гроб, носяще́ я́же угото́ваша арома́ты, и други́я с ни́ми. Обрето́ша же ка́мень отвале́н от гроба́, и вше́дше не обрето́ша телесе́ Го́спода Иису́са. И бысть не домышля́ющимся им о сем, и се му́жа два ста́та в них в ри́зах блещáщихся. Пристра́шным же бы́вшим им и поклóншим ли́ца на зéмлю, рекóста к ним, что и́щите жи́ваго с ме́ртвыми? Несть́ зде, но воста́. Помяни́те, я́коже глаго́ла вам, е́ще сый в Галиле́и, глаго́ля, я́ко подобáет Сы́ну Человéческому прéдану бы́ти в рúце человек грéшник, и про́пяти бы́ти, и в трéтий день воскрéснути. И помяну́ша глаго́лы Егó, и возвраще́ся от гроба́, возвести́ша вся сия́ единомуна́десяте и всем про́чим. Бя́ше же Магдали́на Мари́я и Иоáнна и Мари́я Иáковля, и про́чия с ни́ми, я́же глаго́лаху ко Апóстолом сия́. И яви́шася пред ни́ми я́ко лжа глаго́лы их, и не véроваху им. Петр же воста́в течé ко грóбу и приник ви́де ри́зы е́дины лежа́ща, и оты́де, в себе́ дивя́ся бы́вшему.

Лик: Сла́ва Тебе́, Го́споди, сла́ва Тебе́.

Воскресная песнь после Евангелия

Воскресе́ние Христо́во ви́девше,/ поклони́мся Свято́му
Го́споду Иису́су,/ е́диному безгрéшному./ Кресту́ Твоему́
покланя́емся, Христé,/ и свято́е Воскресе́ние Твое́ поём и
сла́вим:/ Ты бо еси́ Бог наш,/ ра́зве Тебе́ ино́го не зна́ем,
и́мя Твое́ именúем./ Прииди́те вси ве́рнии,/ поклони́мся
Свято́му Христо́ву Воскресе́нию:/ се бо при́де кресто́м
ра́дость все́му ми́ру./ Всегда́ благословя́ще Го́спода,/ поём
Воскресе́ние Егó:/ распя́тие бо претерпéв,// сме́ртию смерть
разруши́.

Здесь может быть чтение 50 псалма «Помилуй мя, Боже» но в приходской традиции чаще опускается

Стихиры по 50 псалме

Глас 6: Сла́ва Отцѹ, и Сы́ну, и Свято́му Ду́ху.

Моли́твами Апосто́лов,/ Ми́лостиве, очисти// мно́жества
согреше́ний на́ших.

И ны́не, и прісно, и во ве́ки веко́в. Ами́нь.

Моли́твами Богоро́дицы,/ Ми́лостиве, очисти// мно́жества
согреше́ний на́ших.

Воскрѣс Иисѹс от гроба,/ я́коже прорече́,/ даде́ на́м живо́т
ве́чный// и ве́лию ми́лость.

Диакон: Спаси́, Бо́же, лю́ди Твоя́ и благослови́ досто́яние Твое́...

Лик: Го́споди, поми́луй (12 раз).

Возглас: Ми́лостию и щедро́тами и человеколю́бием Единоро́днаго Твоего́ Сы́на, с Ни́мже благослове́н еси́, со Пресвяты́м, и Благо́м, и Животворя́щим Твои́м Ду́хом, ны́не и прісно, и во ве́ки веко́в.

Лик: Ами́нь.

На практике во время канона совершается помазание елеем при целовании иконы праздника (в воскресенье — Евангелия на центральном аналое). Однако по Уставу данное помазание полагается совершать после отпуста утрени.

Канон

Песнь 1

Кано́н воскресе́н. Глас 3.

Ирмос, глас 3: Во́ды дре́вле,/ ма́нием Божѣ́ственным,/ во
еди́но со́нмище совокупі́вый,/ и раздели́вый мо́ре
израи́льтеским лю́дем,/ Се́й Бо́г на́ш,/ препросла́влен е́сть://
То́му Еди́ному по́йм, я́ко просла́вился.

Припев: Сла́ва, Го́споди, свято́му воскресе́нию Твоему́.

И́же зе́млю осудив, престо́пльшему по́том изне́сти пло́да те́рние, от те́рния ве́нец из ру́ки законопресто́пныя, Се́й Бо́г на́ш, плóтски прие́мый, кля́тву разруши́л е́сть: я́ко просла́вился.

Кано́н крестовоскресе́н. Глас 3.

Припев: Сла́ва, Го́споди, Кресту́ Твоему́ честно́му и воскресе́нию.

Ро́д челове́чь порабо́щен мучи́телем грехолю́бным, кро́вию Божество́нною Христо́с искупí, и обоготвори́в обнови́л е́сть: я́ко просла́вился.

Кано́н Богоро́дицы (в Неде́лю). Глас 3.

Припев: Пресвята́я Богоро́дице, спаси́ на́с.

Колéно приклоня́ет вся́ко естество́ небе́сных, Де́во, Вопло́щшемуся из Тебе́, со земны́ми же достоле́пно преиспо́дня: я́ко просла́вился.

Кано́н проро́ка Амóса. Глас 7.

Припев: Святы́й проро́че Амóсе, моли́ Бо́га о на́с.

Очи́стив мой ум от страсте́й мра́чнаго по́мысла,/ проро́ка Твоего́, Влады́ко, Амóса пéти озари́.

Припев: Святы́й проро́че Амóсе, моли́ Бо́га о на́с.

Таинник я́влься и́же па́че ума́ таин Бо́жиих,/ сподо́бился еси́ прозрéти, сла́вне, быва́емая.

Сла́ва Отцу́, и Сы́ну, и Свято́му Ду́ху, и ны́не, и прísно, и во ве́ки веко́в. Ами́нь.

Катавасия

Глас 4: Отве́рзу уста́ моя́,/ и напо́лнятся Ду́ха,/ и сло́во отры́гну Цари́це Ма́тери,/ и явлю́ся, све́тло торже́ствуя,// и воспою́, ра́дуясь, То́я чуде́са.

Песнь 3

Кано́н воскре́сен. Глас 3.

Ирмос, глас 3: И́же от не су́щих вся́ приве́дый,/ Сло́вом созида́емая,/ соверша́емая Ду́хом,/ Вседержи́телю Вы́шний,// в любви́ Твое́й утверди́ мене́.

Припев: Сла́ва, Го́споди, свято́му воскресе́нию Твоему́.

Кресто́м Твои́м постыде́ся нечести́вый, соде́ла бо я́му, ю́же ископа́,
впаде́: смире́нных же вознесе́ся, Христе́, ро́г, во Твое́м воскресе́нии.

Кано́н крестовоскресе́н. Глас 3.

Припев: Сла́ва, Го́споди, Кресту́ Твоему́ честно́му и воскресе́нию.

Очище́ние, Пречи́стый Кре́сте, идо́льских яви́лся еси́ Ты нечисто́т: я́ко
Иису́с Пребоже́ственный на Тебе́ ру́це распросте́рл е́сть.

Кано́н Богоро́дицы (в Неде́лю). Глас 3.

Припев: Пресвята́я Богоро́дице, спаси́ нас.

Же́зл из ко́рене Иессе́ова, проро́чески прозя́бши Де́ва, цве́т Тя Христе́,
возси́я на́м: Свят еси́, Го́споди.

Кано́н проро́ка Амóса. Глас 7.

Припев: Святы́й проро́че Амóсе, моли́ Бо́га о нас.

Ты, беззако́нныя облича́я, Амóсе,/ Госпо́дню правду́ показовал еси́,
вопи́я, Богоявле́нне:/ Свят еси́, Го́споди, спаса́яй ду́ши на́ша.

Припев: Святы́й проро́че Амóсе, моли́ Бо́га о нас.

Показа́лся еси́ столп, проро́че, но́ваго заве́та,/ отъе́мля сегó покрóв и
ве́рою зовы́й:/ Свят еси́, Го́споди, спаса́яй ду́ши на́ша.

Сла́ва Отцу́, и Сы́ну, и Свято́му Ду́ху, и ны́не, и при́сно, и во ве́ки веко́в.
Ами́нь.

Катавасия

Глас 4: Твоя́ песносло́вцы, Богоро́дице,/ Живы́й и
Незави́стный Исто́чнице,/ лик себе совоку́пльшия, духо́вно
утверди́/ в Боже́ственной Твое́й сла́ве// венце́в сла́вы
сподо́би.

Ектения малая

Диакон: Па́ки и па́ки, ми́ром Го́споду помо́лимся.

Лик: Го́споди, поми́луй.

Заступи́, спаси́, поми́луй и сохрани́ нас, Бо́же, Твое́ю благода́тию.

Лик: Го́споди, поми́луй.

Пресвяту́ю, Пречи́стую, Преблагослове́нную, Сла́вную Влады́чицу на́шу Бого-
ро́дицу и Присноде́ву Мари́ю со все́ми святы́ми помяну́вше, са́ми себе́ и друг
дру́га, и весь живо́т наш Христу́ Бо́гу предади́м.

Лик: Тебе́, Го́споди.

Священник: Яко благ и Человеколю́бец Бог еси́, и Тебе́ сла́ву возсыла́ем, От-
цу́ и Сы́ну и Свято́му Ду́ху, ны́не и прісно, и во ве́ки веко́в.

Лик: Ами́нь.

Кондаки

Кондак прор. Амóса

Глас 4: Очи́стив ду́хом, проро́че,/ твоё светоза́рное се́рдце, сла́вный
Амóсе,/ проро́чества дар свы́ше прие́мь,/ возопи́л еси́ велегла́сно во
страна́х:/ се Бог наш, и не приложі́тся ин к Нему́.

Седален

Божество́нный о́рган Уте́шителей,/ подглаша́емь Сего́, блаже́нне,
благода́тию всегда́ я́сно,/ проро́к был еси́:/ возглаша́еши бо безвѣстных
явлѣ́ние/ и озаря́еши ве́рою притека́ющия, Амóсе сла́вне,/ Христа́ Бо́га
моли́ дарова́ти нам ве́лию ми́лость.

Сла́ва Отцу́, и Сы́ну, и Свято́му Ду́ху, и ны́не, и прісно, и во ве́ки веко́в.
Ами́нь.

Божество́ннаго естества́ не отлу́чсѧ, плоть быв во чре́ве Твоём,/ но Бог
вочелове́чсѧ и пребы́сть, Иже по рождестве́ Ма́терь Тя Де́ву,/ яко прѣ́жде
рождества́, сохрани́в Всенепоро́чну, еди́н Господь,/ Того́ приле́жно моли́
дарова́ти нам ве́лию ми́лость.

Песнь 4

Канóн воскресе́н. Глас 3.

Ирмос, глас 3: Положи́л еси́ к на́м твёрдую́ любóвь,
Го́споди, / Единоро́днаго бо Твоего́ Сы́на за ны́ на сме́рть
да́л еси́. / Те́мже Ти зове́м благодаря́ще: // сла́ва си́ле Твое́й,
Го́споди.

Припев: Сла́ва, Го́споди, свято́му воскресе́нию Твоему́.

Язвы, Христѣ, и раны мѣлостивно подъял еси, досаду по ланѣтома ударѣний терпѣ, и долготерпеливнѣ оплевания носѣ, ѣмиже содѣлал еси мнѣ спасѣние: слава силѣ Твоей, Господи.

Канѣн крестовоскрѣсен. Глас 3.

Припев: Слава, Господи, Кресту Твоему честному и воскресѣнию.

Создавый по образу Твоему, Человеколюбе, человека, и умерщвлена грехом преступлѣния ради, распѣлся на лѣбнем, спасл еси.

Канѣн Богородицы (в Недѣлю). Глас 3.

Припев: Пресвятая Богородице, спаси нас.

Иже поставивый горы, Владыко, мѣрилом Божественнаго разума, отсечѣн еси от Дѣвы Камень, кроме рук: силѣ Твоей слава, Человеколюбе.

Канѣн пророка Амоса. Глас 7.

Припев: Святыи пророче Амосе, моли Бога о нас.

Служащия глухим идолом обличил еси люди Израилевы, / тем пленѣнным быти сим рекл еси, досточудне.

Припев: Святыи пророче Амосе, моли Бога о нас.

Пророка тя, иже первее пастыря показѣ Бог, / восприѣм, священноявлѣнне Амосе. / Тем тя вси верою ублажаем.

Слава Отцу, и Сыну, и Святому Духу, и ныне, и присно, и во веки веков. Аминь.

Катавасия

Глас 4: Седѣй в Славе / на Престоле Божества, / во облаце легце, / прииде Иисус Пребожественный / Нетленною Дланию и спасѣ зовущия: // слава, Христѣ, силѣ Твоей.

Песнь 5

Канѣн воскрѣсен. Глас 3.

Ирмос, глас 3: К Тебѣ утренюю, всех Творцу, / преимущему всяк уму мѣрови, / занѣ свѣт повелѣния Твоя: // в нихже настави мя.

Припев: Слава, Господи, святому воскресѣнию Твоему.

Судийи неправедному, еврейскою завистию предан быв, Всевидче, и всей праведне судый земли, Адама древняго избавил еси осуждения.

Канон крестовоскресен. Глас 3.

Припев: Слава, Господи, Кресту Твоему честному и воскресению.

Копием в ребро Твое, о Христе мой, прободен быв, от ребра человека созданную, губительства всем человеком бывшую ходатаицу, клятвы свободил еси.

Канон Богородицы (в Неделю). Глас 3.

Припев: Пресвятая Богородице, спаси нас.

Слово Божие Сын Твой, Дево, Содетель Адама первозданнаго, не создание, аще и плоть одушевлену Себе из Тебе создал есть.

Канон пророка Амоса. Глас 7.

Припев: Святыи пророче Амосе, моли Бога о нас.

Умерщвленные снедною стрелою, блаженне, укорил еси, / яко нещующим испаднути внутренним, и предложено быти, / и тленно наслаждение.

Припев: Святыи пророче Амосе, моли Бога о нас.

Богатыми светолитии осияемь, явился еси Богоглаголив и собеседник Божий, / возвещая всем благочестия истинный путь.

Слава Отцу, и Сыну, и Святому Духу, и ныне, и присно, и во веки веков. Аминь.

Катавасия

Глас 4: Ужасошася всяческая / о Божественней славе Твоей: / Ты бо, Неискусобрачная Дево, / имела еси во утробе над всеми Бога / и родила еси Безлётнаго Сына, / всем воспевающим Тя // мир подавающая.

Песнь 6

Канон воскресен. Глас 3.

Ирмос, глас 3: Бездна послѣдняя грехов обыде мя,/ и исчезает дух мой:/ но прострый, Владыко, высокую Твою мышцу,// яко Петра мя, Управителю, спаси.

Припев: Слава, Господи, святому воскресению Твоему.

Бездна милости и щедрот обыде мя, благоутробным снятием Твоим: воплощся бо, Владыко, и быв в рабии зраце обожил еси, с Собой сопрославив.

Канон крестовоскресен. Глас 3.

Припев: Слава, Господи, Кресту Твоему честному и воскресению.

Ранами Ты искусився, от ада ураненных, страстию Креста совоскресил еси. Темже Ти зову: возведи от тли живот мой, Человеколюбче.

Канон Богородицы (в Неделю). Глас 3.

Припев: Пресвятая Богородице, спаси нас.

Воображается еже по нам, от Нетленных Девы, Иже образом неразлучный образом быв и вещь, не предложся Божеством Человек.

Канон пророка Амоса. Глас 7.

Припев: Святыи пророче Амосе, моли Бога о нас.

Светлыми истины зарями сияя,/ заушил еси лжи пророка, крепко обличая/ и предлагая того потребление.

Припев: Святыи пророче Амосе, моли Бога о нас.

Омрачил еси прелести пламень, пророче,/ яко солнце, благочестия зарю всем возсияя,/ яко Духа сияние восприим.

Слава Отцу, и Сыну, и Святому Духу, и ныне, и присно, и во веки веков. Аминь.

Катавасия

Глас 4: Божественное сие и всечестное/ совершающе празднество,/ Богомудрии, Богоматере,/ приидите, руками восплещим,// от Нея рождагося Бога славим.

Ектения малая

Диакон: Па́ки и па́ки, ми́ром Го́споду помóлимся.

Лик: Го́споди, помíлуй.

Заступи́, спаси́, помíлуй и сохрани́ нас, Бо́же, Твое́ю благодáтию.

Лик: Го́споди, помíлуй.

Пресвяту́ю, Пречи́стую, Преблагословенну́ю, Сла́вную Влады́чицу на́шу Бого-
ро́дицу и Присноде́ву Мари́ю со все́ми святы́ми помяну́вше, са́ми себе́ и друг
друга, и весь живо́т наш Христу́ Бо́гу предади́м.

Лик: Тебе́, Го́споди.

Священник: Я́ко благ и Человеколю́бец Бог еси́, и Тебе́ сла́ву возсыла́ем, От-
цу́ и Сы́ну и Свято́му Ду́ху, ны́не и прісно, и во ве́ки веко́в.

Лик: Ами́нь.

Кондак

Глас 3: Воскре́сл еси́ днесь из грóба, Ще́дре,/ и на́с возвёл еси́ от врат
смёртных:/ днесь Ада́м ликует, и раду́ется Ё́ва,/ вку́пе же и проро́цы с
патриа́рхи воспева́ют непреста́нно// Божество́нную держа́ву вла́сти
Твоея́.

Икос: Не́бо и земля́ днесь да ликовству́ют, и Христа́ Бо́га единомудренно
да воспева́ют, я́ко у́зники от гробо́в воскресі. Сра́дуется вся тва́рь,
принося́щи досто́йныя пёсны Созда́телю все́х, и Изба́вителю на́шему: я́ко
челове́ки из а́да днесь я́ко Жизнода́тель совозвёд, на небеса́
совозвыша́ет, и низлага́ет вра́жия возноше́ния, и врата́ а́дова сокруша́ет
Божество́нною держа́вою вла́сти Своея́.

Песнь 7

Кано́н воскресе́н. Глас 3.

Ирмос, глас 3: Я́коже дре́вле благочесті́выя трі́ о́троки/
оросі́л еси́ в пла́мени халде́йстем,/ све́тлым Божества́
огнём и на́с озари́,/ Благословен еси́, взыва́ющыя,// Бо́же
оте́ц на́ших.

Припев: Сла́ва, Го́споди, свято́му воскресе́нию Твоему́.

Раздра́ся церко́вная све́тлая катапе́тасма, в распя́тии Соде́теля, сокро́венную в Писа́нии явля́ющи ве́рным и́стину, благослове́н еси́, зову́щим, Бо́же оте́ц на́ших.

Кано́н крестовоскресе́н. Глас 3.

Припев: Сла́ва, Го́споди, Кресту́ Твоему́ честно́му и воскресе́нию.

Не про́ста со́лнце на кресте́ ви́сяща челове́ка, но Бо́га воплоще́нна зря́ помрача́ется. Ему́же и поём: благослове́н еси́, Го́споди, Бо́же оте́ц на́ших.

Кано́н Богоро́дицы (в Неде́лю). Глас 3.

Припев: Пресвята́я Богоро́дице, спаси́ нас.

И́же сла́вы Госпо́дь, и держай го́рния си́лы, И́же со Отце́м седа́й, де́вственныма рука́ма носи́мь: благослове́н еси́, Го́споди, Бо́же оте́ц на́ших.

Кано́н проро́ка Амо́са. Глас 7.

Припев: Святы́й проро́че Амо́се, моли́ Бо́га о нас.

Е́же предглаго́лал еси́, Боже́ственное спасе́ние яви́ся,/ Амо́се, проро́че чу́дне,/ просвеще́нии благоче́стия осия́я мир, вопия́л еси́:/ благослове́н еси́, Го́споди, Бо́же оте́ц на́ших.

Припев: Святы́й проро́че Амо́се, моли́ Бо́га о нас.

Вжи́ляемь Боже́ственною си́лою, богопроти́вными враги́ неврежде́н был еси́,/ терпели́вно, я́коже адама́нт, пребы́л еси́, зовы́й:/ благослове́н еси́, Го́споди, Бо́же оте́ц на́ших.

Сла́ва Отцу́, и Сы́ну, и Свято́му Ду́ху, и ны́не, и при́сно, и во ве́ки веко́в. Ами́нь.

Катавасия

Глас 4: Не послужи́ша тва́ри Богому́дрии/ па́че Созда́вшего,/ но, о́гненное преще́ние му́жески попра́вше,/ ра́довахуся, пою́ще:// препе́тый отце́в Госпо́дь и Бо́г, благослове́н еси́.

Песнь 8

Канон воскресен. Глас 3.

Ирмос, глас 3: Нестерпимому огню соединившеся,
богочестия предстояще юноши,/ пламенем же невреждени,
Божественную песнь пояху:/ благословите вся дела
Господня Господа, // и превозносите во вся веки.

Припев: Слава, Господи, святому воскресению Твоему.

Раздрася церковная светлость, егда Крест Твой водрузися на лобнем, и
тварь преклоняшеся страхом, воспевающи: благословите вся дела
Господня Господа, пойте и превозносите Его во веки.

Канон крестовоскресен. Глас 3.

Припев: Слава, Господи, Кресту Твоему честному и воскресению.

Слово нестрастное, безстрастно убо Божеством, страждет же плотию Бог,
Емуже и поем: благословите вся дела Господня Господа, пойте и
превозносите Его во веки.

Канон Богородицы (в Неделю). Глас 3.

Припев: Пресвятая Богородице, спаси нас.

Чины умныя яко Мати превозшла еси, и близ Бога бывши: благословим,
благословенная Дево, рождество Твое, и превозносим во вся веки.

Канон пророка Амоса. Глас 7.

Припев: Святыи пророче Амосе, моли Бога о нас.

Весь востекл еси на Горнюю высоту, и навыл еси неизреченных
разума, / и был еси сказатель Слова воплощения, Амосе. / Темже ты
воспеваем во вся веки.

Припев: Святыи пророче Амосе, моли Бога о нас.

Ума остротою всех Владыку разумети, якоже есть мощно, сподобился
еси, / научающа ты неизреченных разуму, зовый: / священницы, пойте,
людие, превозносите во вся веки.

Благословим Отца и Сына и Святаго Духа, Господа, и ныне, и присно, и
во веки веков. Аминь.

Припев: Хвалим, благословим, поклоняемся Господеви,
поюще и превозносяще во вся веки.

Катавасия

Глас 4: О́троки благочесті́выя в пещі́/ Рожде́ство
Богоро́дичо спасло́ есть;/ тогда́ у́бо образу́емое,/ ны́не же
де́йствуемое,/ вселénную всю воздвизáет пѣти Тебѣ:/
Го́спода по́йте, дела́,// и превозносите Егó во вся вѣки.

Диакон: Богоро́дицу и Матѣрь Свѣта в пѣснях возвели́чим.

Песнь Пресвятыя Богородицы

Лик: Вели́чит душá Моя́ Го́спода, и возра́довася дух Мой о
Бо́же Спа́се Моём.

Припев: Честнѣ́йшую Херуві́м и сла́внейшую без сравнѣ́ния
Серафі́м, без ислѣ́ния Бо́га Сло́ва ро́ждшую, су́щую
Богоро́дицу, Тя велича́ем.

Яко призре́ на смире́ние Рабы́ Своея́, се бо от ны́не ублажа́т
Мя вси ро́ди.

Припев: Честнѣ́йшую Херуві́м и сла́внейшую без сравнѣ́ния
Серафі́м, без ислѣ́ния Бо́га Сло́ва ро́ждшую, су́щую
Богоро́дицу, Тя велича́ем.

Яко сотвори́ Мне вели́чие Си́льный, и свя́то і́мя Егó, и
мѣ́лость Егó в ро́ды родо́в боя́щимся Егó.

Припев: Честнѣ́йшую Херуві́м и сла́внейшую без сравнѣ́ния
Серафі́м, без ислѣ́ния Бо́га Сло́ва ро́ждшую, су́щую
Богоро́дицу, Тя велича́ем.

Сотвори́ держа́ву мѣ́шцею Сво́ею, расточи́ го́рдые мѣ́слию
сѣ́рдца их.

Припев: Честнѣйшую Херувѣм и слáвнейшую без сравнѣния Серафѣм, без ислѣния Бóга Слóва рóждшую, сýщую Богорóдицу, Тя велича́ем.

Низложѣ сѣльныя со престóл, и вознесѣ смиренныя; áлчущия испóлни благ, и богатѣющия отпустѣ тщи.

Припев: Честнѣйшую Херувѣм и слáвнейшую без сравнѣния Серафѣм, без ислѣния Бóга Слóва рóждшую, сýщую Богорóдицу, Тя велича́ем.

Восприят Израїля óтрока Своегó, помяну́ти мѣлости, я́коже глаго́ла ко отцѣм на́шим, Авраáму и сѣмени егó да́же до вѣка.

Припев: Честнѣйшую Херувѣм и слáвнейшую без сравнѣния Серафѣм, без ислѣния Бóга Слóва рóждшую, сýщую Богорóдицу, Тя велича́ем.

Песнь 9

Канóн воскрѣсен. Глас 3.

Ирмос, глас 3: Нóвое чúдо и боголѣпное,/ девѣческую бо двѣрь затворѣную/ я́ве прохóдит Госпóдь,/ на́г во вхóде,/ и Плотонóсец явѣся во исхóде Бóг,/ и пребывáет Двѣрь затворѣна:// Сію неизречѣнно, я́ко Богомáтерь велича́ем.

Припев: Сла́ва, Гóсподи, свято́му воскресѣнію Твоемý.

Стра́шно е́сть зрѣти Тебѣ, Творца́, на дрѣве воздвѣжена, Слóве Бóжий, плóтски же стра́ждуща Бóга за рабы́, и во грóбе бездыхáнна лежа́ща, мѣртвыя же из áда разрешѣвша: тѣмже Тя, Христѣ́, я́ко Всесѣ́льна велича́ем.

Канон крестовоскресен. Глас 3.

Припев: Слава, Господи, Кресту Твоему честному и воскресению.

Честь человеком от безчестныя смерти всем источил еси: еяже распятием Твоим, Спасе, вкусив, существом смертным нетление мне даровал еси, Христэ, яко Человеколюбец.

Канон Богородицы (в Неделю). Глас 3.

Припев: Пресвятая Богородице, спаси нас.

Сытость Твоих похвал, Дево, благочестивым верным отнюд не бывает: желанием бо желание присно Божественное, и духовное приемлюще, яко Матерь Божию величаем.

Канон пророка Амоса. Глас 7.

Припев: Святыи пророче Амосе, моли Бога о нас.

Быв пророческим явлением богодвижим язык, Божественная вещающ,/ всем возвестил еси, Амосе, Божественное милосердие./ Темже вси ты присно ублажаем.

Припев: Святыи пророче Амосе, моли Бога о нас.

Несказанно пророческое благославие:/ ибо Святыи Дух, в сих вселься, светолития Своего показа причастники,/ от нихже, вси вернии, просвещаемся.

Слава Отцу, и Сыну, и Святому Духу, и ныне, и присно, и во веки веков. Аминь.

Катавасия

Глас 4: Всяк земнородный/ да възиграется, Духом просвещаемь,/ да торжествует же Безплотных умов естество,/ почитающее священное торжество Богоматере,/ и да вопиет:/ радуйся, Всеблаженная Богородице,// Чистая Приснодево.

Малая ектения

Диакон: Паки и паки миром Господу помолимся.

Лик: Господи, помилуй.

Диакон: Заступи, спаси, помилуй и сохрани нас, Боже, Твоею благодатию.

Лик: Гóсподи, помíлуй.

Диакон: Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувшие, сами себе и друг друга, и весь живот наш Христу Богу предадим.

Лик: Тебé, Гóсподи.

Священник: Яко Ты еси Бог наш, и Тебé славу воссылаем, Отцу и Сыну, и Святому Духу, ныне и присно, и во веки веков.

Лик: Амíнь.

Диакон возглашает, а хор повторяет трижды:

Диакон: Свят Господь Бог наш!

Лик: Свят Господь Бог наш!

Диакон: Яко свят Господь Бог наш!

Лик: Свят Господь Бог наш!

Диакон: Над всеми людьми Бог наш!

Лик: Свят Господь Бог наш!

Светильны

Добродетельми блиставшися, видим предстояща в живоноснем гробе мужа в блестящихся ризах: мирносицам преклоньшим лица на землю, небесы Владычествующаго воскресению да научимся, и к Живота гробу с Петром притецем, и содеянному удивльшися, пребудем Христа видети.

Слава Отцу, и Сыну, и Святому Духу, и ныне, и присно, и во веки веков. Амíнь.

Радоватися вещавый, претворил еси печаль прародителей, Господи, радость внося востания Твоего в мире: того убо Живодавче, Родящею Тя, свет просвещающ сердца, свет щедрот Твоих низпосли, еже вопити Тебе: Человеколюбче Богочеловече, слава Твоему востанию.

Стихиры на хвалитех

Канонарх: Глас 3. Всякое дыхáние да хвáлит Гóспода

Лик: Всякое дыхáние да хвáлит Гóспода. Хвалíte Гóспода с Небес, хвалíte Егó в вýшних. Тебé подобáет песнь Бóгу.

Хваліте Егó, вси Ангели Егó, хваліте Егó, вся Сілы Егó. Те-
бé подобáет песнь Бóгу.

Стих: Сотворіти в них суд напíсан,/ сла́ва сія́ бۇдет всем преподóбным
Его.

Стих: Хваліте Бóга во святы́х Егó./ хваліте Егó во утвер́жении сілы Егó.

Октоих, глас 3, Неделя на 4

Стих: Хваліте Егó на силах Его,/

хваліте Егó по мнóжеству вели́чества Егó.

Приидіте, всі́ язы́цы,/ уразумéйте стра́шныя тайны́ сі́лу:/
Христóс бо Спа́с на́ш,/ Ёже в нача́ле Сло́во,/ распя́тся на́с
ра́ди,/ и во́лею погребéся,/ и воскрéсе из мёртвых,/ ёже
спасти́ вся́ческая:// То́му поклоні́мся.

Стих: Хваліте Егó во гласе тру́бнем,/

хваліте Егó во псалти́ри и гу́слех.

Пове́даша вся́ чудеса́ стра́жие Тво́й, Го́споди:/ но собо́р сует-
ты́ испо́лни мздо́ю десни́цу их,/ скры́ти мня́ше воскресе́ние
Твоё,/ ёже ми́р сла́вит:// поми́луй на́с.

Стих: Хваліте Егó в тимпа́не и ли́це,/

хваліте Егó во стру́нах и орга́не.

Ра́дости вся́ испо́лнишася/ воскресе́ния иску́с при́ймша:/
Ма́риа бо Магдали́на ко грóбу при́иде,/ обре́те а́нгела на
ка́мени сидя́ща,/ ри́зами блиста́ющася и глаго́люща:/ что́
и́щите Жива́го с мёртвыми:/ не́сть здé, но воста́, я́коже ре-
че́,:// предва́ряя вы́ в Галиле́и.

Стих: Хваліте Егó в кимва́лех доброгласных, хваліте Егó в кимва́лех
восклица́ния,/

Вся́кое дыха́ние да хва́лит Го́спода.

Во свѣте Твоѣм, Владыко,/ ўзрим свѣт, Человеколюбче:/
воскрѣсл бо еси из мѣртвых,/ спасѣние рѣду человѣческому
даруя:/ да Тя вся тварь славословит Еди́наго Безгрѣшнаго,//
помилуй нас.

Слава, глас 3.

Сла́ва Отцу́, и Сы́ну, и Свято́му Ду́ху.

У́тро бе глубокѣ,/ и жены́ приидѣша на гроб Твой, Христѣ,/
но Тѣло не обрѣтесе желаемое ими./ Тѣмже недоумева́ю-
щимся,/ иже в рѣзах блещáщихся предстáвшии глаго́лаху:/
что жива́го с мѣртвыми ищите?/ Воста́, я́коже предрече́,/ что
не по́мните глаго́л Его́?/ Имже ве́ровавша, ви́денная пропо-
ве́даху,/ но мня́хуся лжа благове́щения:/ та́ко бы́ша еще́ ко́с-
ни ученицы́./ Но Петр тече́, и ви́дев| просла́ви Твоя́ в себѣ
чудеса́.

И ныне, глас 2.

И ны́не, и прѣсно, и во ве́ки веко́в. Ами́нь.

Преблагословѣнна еси́, Богороди́це Де́во,/ Вопло́щшим бо
ся из Тебе́ ад пленѣся,/ Ада́м воззва́ся,/ кля́тва потребѣся,/
Е́ва свободѣся,/ смерть умертвѣся и мы оживом./ Тем вос-
пева́юще, вопи́ем:/ благословѣн Христос Бог,// благоволи́-
вый та́ко, сла́ва Тебе́.

Священник: Сла́ва Тебе́, Показáвшему нам свет.

Славословие великое

Лик: Сла́ва в вы́шних Бо́гу,/ и на землѣ́ мир,/ в челове́цах
благоволе́ние./ Хва́лим Тя, благословѣ́м Тя, клáняем Ти ся,

славослѡвим Тя,/ благодарѣм Тя великія рáди слáвы Твое-
я./ Гѡсподи, Царю Небѣсный, Боже, Отче Вседержителю,/ Гѡсподи Сыне Единорѡдный, Иисусе Христѣ, и Святѣй Дѹше./ Гѡсподи Бѡже, Агнче Бѡжий, Сыне Отѣчь,/ взѣмляй грех мѣра, помѣлуй нас./ Взѣмляй грехѣ мѣра, примѣ мо-
литву нáшу./ Седяй одеснѹю Отцá, помѣлуй нас. /Яко Ты еси Едѣн Свят;/ Ты еси Едѣн Госпѡдь, Иисус Христѡс, в слáву Бѡга Отцá, амѣнь./

На всяк день благословлю Тя и восхвалю ѣмя Твое во вѣки, и в век вѣка/. Сподѡби, Гѡсподи, в день сей без грехá сохранѣтися нам./ Благословѣн еси, Гѡсподи Бѡже отец нáших,/ и хвáльно и прослáвлено ѣмя Твое во вѣки, амѣнь.

Бѹди, Гѡсподи, мѣлость Твоя на нас, якоже упѡвахом на Тя. Благословѣн еси, Гѡсподи, научѣ мя оправдáнием Твоѣм **(Трижды)**.

Гѡсподи, прибѣжище был еси нам в род и род./ Аз рех: Гѡсподи, помѣлуй мя, исцели дѹшу мою, яко согрѣших Тебѣ. Гѡсподи, к Тебѣ прибегѡх, научѣ мя творѣти вѡлю Твою, яко Ты еси Бог мой,/ яко у Тебѣ истѡчник животá,/ во свѣте Твоѣм ѹзрим свет.// Пробáви мѣлость Твою вѣдущим Тя.

Святѣй Бѡже, Святѣй Крѣпкий, Святѣй Безсмѣртный, помѣлуй нас **(Трижды)**.

Слáва Отцѹ и Сыну и Святѡму Дѹху, и ныне и прѣсно и во вѣки векѡв, амѣнь.

Святы́й Безсме́ртный, поми́луй нас.

Таже высочайшим гласом: Святы́й Бо́же, Святы́й Кре́пкий,
Святы́й Безсме́ртный, поми́луй нас.

Тропари в конец Утрени

**Днесь спасéние мíру бысть,/ поём Воскрéсшему из грóба,
и Нача́льнику жíзни нáшей:/ разрушív бо сме́ртию смерть,//
побéду даде́ нам и вéлию мíлость.**

Таже глаголет диакон или Священник ектению:

Сугубая ектения

Диакон: Поми́луй нас, Бо́же, по вели́цей мíлости Твоéй, мо́лим Ти ся, услы́ши и поми́луй.

Лик: Го́споди, поми́луй *(трижды на каждое прошение).*

Диакон: Ещé мо́лимся о Вели́ком Госпо́дине и Отце́ нáшем Святе́йшем Патри́архе Кири́лле, и всей во Христé бра́тии нáшей.

Диакон: Ещé мо́лимся о Богохрани́мей странé нáшей, властéх и во́инстве ея́, да т́хое и безмо́лвное житиé поживéм во вся́ком благоче́стии и чистотé.

Диакон: Ещé мо́лимся о блаже́нных и приснопа́мятных создáтелях свята́го хра́ма сегó, и о всех преждепочи́вших отце́х и бра́тиях, zde лежа́щих и повсю́ду, правосла́вных.

Диакон: Ещé мо́лимся о мíлости, жíзни, мíре, здра́вии, спасéнии, посещéнии, прощéнии и оставлéнии грехóв рабóв Бо́жиих, бра́тии свята́го хра́ма сегó.

Диакон: Ещé мо́лимся о плодонося́щих и добродéющих во святéм и всечестнéм хра́ме сем, тружда́ющихся, пою́щих и предстоя́щих лю́дех, ожида́ющих от Тебé вели́кия и богáтыя мíлости.

Священник: Яко Мíлостив и Человеколю́бец Бог еси́, и Тебé сла́ву возсыла́ем, Отцу́ и Сы́ну и Свято́му Дúху, ны́не и прísно и во вéки веко́в.

Лик: Ами́нь.

Ектения просительная

Диакон: Исполним у́треннюю моли́тву нáшу Го́сподеви.

Лик: Го́споди, поми́луй.

Диакон: Заступи, спаси, помилуй и сохрани нас, Боже, Твоею благодатью.

Лик: Господи, помилуй.

Диакон: Дне всего совершенна, свята, мирна и безгрешна у Господа просим.

Лик: Подай, Господи *(на каждое прошение)*.

Диакон: Ангела мирна, верна наставника, хранителя душ и телес наших у Господа просим.

Диакон: Прощения и оставления грехов и прегрешений наших у Господа просим.

Диакон: Добрых и полезных душам нашим, и мира миру у Господа просим.

Диакон: Прочее время живота нашего в мире и покаянии скончати у Господа просим.

Диакон: Христианския кончины живота нашего, безболезнены, непостыдны, мирны и добраго ответа на страшнем судищи Христове просим.

Диакон: Пресвятую, Пречистую, Преблагословенную, Славную Владычицу нашу Богородицу и Приснодеву Марию со всеми святыми помянувшие, сами себе и друг друга, и весь живот наш Христу Богу предадим.

Лик: Тебе, Господи.

Священник: Яко Бог милости и щедрот и человеколюбия еси, и Тебе славу возсылаем, Отцу и Сыну и Святому Духу, ныне и присно и во веки веков.

Лик: Аминь.

Священник: Мир всем.

Лик: И духови твоему.

Диакон: Главы наша Господеви приклоним.

Лик: Тебе, Господи.

Возглас: Твое бо есть, еже миловати и спасати ны, Боже наш, и Тебе славу возсылаем, Отцу и Сыну и Святому Духу, ныне и присно и во веки веков.

Лик: Аминь.

Диакон: Премудрость.

Лик: Благослови.

Священник: Сый благословен Христос, Бог наш, всегда, ныне и присно, и во веки веков.

Лик: Ами́нь. Утверди́, Бо́же, святу́ю правосла́вную ве́ру, правосла́вных христиа́н во ве́к ве́ка.

Священник: Пресвята́я Богоро́дице, спаси́ нас.

Лик: Честне́йшую Херуви́м и сла́внейшую без сравне́ния Серафи́м, без ислéния Бо́га Сло́ва ро́ждшую, су́щую Бого́ро́дицу, Тя велича́ем.

Священник: Сла́ва Тебе́, Христé Бо́же, упова́ние на́ше, сла́ва Тебе́.

Лик: Сла́ва Отцу́ и Сы́ну и Свято́му Ду́ху, и ны́не и прísно и во ве́ки веко́в. Ами́нь. Го́споди, помíлуй (*трижды*). Благо-словí.

Отпуст

Воскресýй из мёртвых Христós Истинный Бог наш, моли́твами Пречíстия Свое́я Ма́тере, святы́х сла́вных и всехва́льных Апóстол, прор. Амóса, святы́х пра́ведных Богооте́ц Иоакíма и Áнны, и всех святы́х, помíлуе и спасёт нас, я́ко Благ и Человеколю́бец.

Многолетие

Лик: Вели́каго господíна и отца́ на́шего Кири́лла, Святéйшаго Патриárха Москóвскаго и все́я Русí,/ и господíна на́шего высокопреосвящённейшаго [*или́ преосвящённейшаго*] íмя-рек, митрополíта [*или́ архиепíскопа, или́ епíскопа*] егó же *есть о́бласть*,/ богохрани́мую страну́ на́шу Росси́йскую, вла́сти и во́инство ея́,/ настоя́теля, бра́тию, прихо́жан свята́го хра́ма сего́, и вся правосла́вныя христиа́ны,// Го́споди, сохрани́ их на мно́гая léта.

1-й час

Чтец: Приидите, поклонíмся Царе́ви на́шему Бо́гу.

Приидіте, поклонімся и припадём Христу́, Царéви на́шему Бо́гу.

Приидіте, поклонімся и припадём Самому́ Христу́, Царéви и Бо́гу на́шему.

И поклоны три.

Псалом 5

Глаголы моя внуші, Господи, разумей звание моё. Вонми гласу моления моего, Царю мой и Боже мой, яко к Тебе помолюся, Господи. Заутра услыши глас мой, заутра предстану Ти, и узриши мя. Яко Бог не хотяй беззакония, Ты еси: не приселится к Тебе лукавнуя, ниже пребудут беззаконницы пред очима Твоима: возненавидел еси вся делающыя беззаконие. Погубиши вся глаголющыя лжу: мужа кровей и лстива гнушается Господь. Аз же множеством милости Твоея, вниду в дом Твой, поклонюся ко храму святому Твоему, в страхе Твоём. Господи, настави мя правдою Твоею, враг моих ради исправи пред Тобою путь мой. Яко несть во устех их истины, сердце их суетно, гроб отверст гортань их: языки своими льщаху. Суди им, Боже, да отпадут от мыслей своих, по множеству нечестия их изрини я, яко преогорчиша Тя, Господи. И да возвеселятся вси уповающи на Тя, во век возрадуются, и вселишися в них, и похвалятся о Тебе любящии имя Твое. Яко Ты благословиши праведника, Господи: яко оружием благоволения венчал еси нас.

Псалом 89

Господи, прибежище был еси нам в род и род. Прежде даже горам не быти и создатися земли и вселенней, и от века и до века Ты еси. Не отврати человека во смирение, и рекл еси: обратитесь, сынове человечестии. Яко тысяща лет пред очима Твоима, Господи, яко день вчерашний, иже мимоиде, и стража ночная. Уничужения их лета будут. Утро яко трава мимоидет, утро процветет и прейдет: на вечер отпадет ожестеет и исхнет. Яко исчезохом гневом Твоим, и яростию Твоею смутихомся. Положил еси беззакония наша пред Тобою: век наш в просвещение лица Твоего. Яко вси дние наши оскудеша, и гневом Твоим исчезохом, лета наша яко паучина поучахуся. Дние лет наших, в нихже седьмдесят лет, аще же в силах, осьмдесят лет, и множае их труд и болезнь: яко прииде кротость на ны, и накажемся. Кто вест державу гнева Твоего, и от страха Твоего, ярость Твою исчерсти? Десницу Твою тако скажи ми, и окованныя сердцем в мудрости. Обратися, Господи, доколе? И умолен буди на рабы Твоя. Исполнихомся заутра милости Твоея, Господи, и возрадовахомся, и возвеселихомся, во вся дни наша возвеселихомся, за дни в няже смирил ны еси, лета в няже вѣдехом злая.

И при́зри на рабы́ Твоя́, и на дела́ Твоя́, и наста́ви сы́ны их. И бу́ди свѣтлость Го́спода Бо́га на́шего на нас, и дела́ рук на́ших испра́ви на нас, и де́ло рук на́ших испра́ви.

Псалом 100

Мілость и суд воспою́ Тебе́, Го́споди. Пою́ и разумѣю в пути́ непоро́чне, когда́ при́идеши ко мне? Прехождáх в незло́бии се́рдца моего́ посреде́ до́му моего́. Не предлага́х пред очі́ма мо́йма вещь законопресту́пную: творя́щія преступле́ние возненави́дех. Не прильпе́ мне се́рдце стропти́во, уклоня́ющагося от мене́ лука́ваго не позна́х. Оклеветáющаго тай і́скренняго своего́, сего́ изгоня́х: го́рдый о́ком, и несы́тым се́рдцем, с сим не ядях. О́чи мои́ на ве́рныя земли́, посажда́ти я́ со мно́ю: ходя́й по пути́ непоро́чну, сей ми служа́ше. Не живя́ше посреде́ до́му моего́ творя́й горды́ню, глаго́ляй непра́ведная, не исправля́ше пред очі́ма мо́йма. Во у́трия избива́х вся грѣшныя земли́, е́же потребі́ти от гра́да Госпо́дня вся де́лающія беззако́ние.

Сла́ва Отцу́ и Сы́ну и Свято́му Ду́ху, и ны́не и прісно и во ве́ки веко́в. Ами́нь.

Аллилу́иа, аллилу́иа, аллилу́иа, сла́ва Тебе́ Бо́же. **(Трижды)**

Го́споди, поми́луй. **(Трижды)**

Тропарь воскресный, глас 3

Да веселя́тся небѣсная,/ да ра́дуются земна́я,/ я́ко сотвори́ держа́ву/
мы́шцею Сво́ею Госпо́дь,/ попра́ сме́ртию сме́рть,/ пе́рвенец ме́ртвых
бы́сть;/ из чре́ва а́дова изба́ви нас,/ и подаде́ мірови ве́лию ми́лость.

Сла́ва Отцу́, и Сы́ну, и Свято́му Ду́ху.

Тропарь прор. Амóса, глас 2

Проро́ка Твоего́ Амóса па́мять, Го́споди, пра́зднующе,/ те́м Тя мо́лим,//
спаси́ ду́шы на́ша.

И ны́не, и прісно, и во ве́ки веко́в. Ами́нь.

Богородичен: Что Тя наречѣм, о Благодáтная?/ Не́бо, я́ко возсия́ла еси́
Со́лнце Пра́вды. / Рай, я́ко прозяблá еси́ цвет нетле́ния. / Де́ву, я́ко пребы́ла
еси́ нетле́нна. / Чістую Ма́терь, я́ко имела́ еси́ на святы́х Твои́х объ́яти-
ях Сы́на, всех Бо́га. / Того́ моли́ спасті́ся душáм на́шим.

Стопы́ моя напра́ви по словеси́ Твоему́/ и да не облада́ет мно́ю всякое
беззако́ние.

Иза́ви мя от клеветы́ челове́ческа, / и сохрани́ за́поведи Твоя́.

Лице Твое просвети на раба Твоего/ и научи мя оправданием Твоим.

Да исполнятся уста моя хваления Твоего, Господи,/ яко да воспую славу Твою,/ весь день великолепие Твое.

Святыи Бже, Святыи Крепкий, Святыи Безсмертный, помилуй нас. *(Трижды, с крестным знаменем и поясным поклоном)*

Слава Отцу и Сыну и Святому Духу, и ныне и присно и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святыи, посети и исцели немощи наша, имене Твоего ради.

Господи, помилуй. *(Трижды)*

Слава Отцу и Сыну и Святому Духу, и ныне и присно и во веки веков. Аминь.

Отче наш, Иже еси на небесех! Да святится имя Твое, да придет Царствие Твое, да будет воля Твоя, яко на небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Священник: Яко Твое есть Царство и сила, и слава Отца и Сына и Святаго Духа, и ныне и присно и во веки веков.

Чтец: Аминь.

Кондак воскресный, глас 3

Воскресл еси днесь из гроба, Щедре, / и нас возвел еси от врат смертных; / днесь Адам ликует, и радуется Ева, / вкупе же и пророцы с патриархи воспевают непрестанно / Божественную державу власти Твоея.

Господи, помилуй *(40 раз)*.

Иже на всякое время и на всякий час, на Небеси и на земли, покланяемый и славимый, Христэ Бже, Долготерпеливе, Многомилостиве, Многоблагоутробне, Иже праведныя любяи и грешныя милуяи, Иже вся зовый ко спасению обещания ради будущих благ. Сам, Господи, приими и наша в час сей молитвы и исправи живот наш к заповедем Твоим, души наша освяти, телеса очисти, помышления исправи, мысли очисти и избави нас от всякия скорби, зол и болезней, оградь нас святыми Твоими Ангелы, да ополчением их соблюдаемыми и наставляемыми, достигнем в

соединёние вѣры и в разум неприступныя Твоея славы, яко благословѣн еси во вѣки вековъ, аминь.

Господи, помилуй, **(Трижды)**.

Слава Отцу и Сыну и Святому Духу, и ныне и присно и во вѣки вековъ. Аминь.

Честнейшую Херувим/ и славнейшую без сравнения Серафим,/ без ислѣния Бога Слова рождшую,/ сущую Богородицу, Тя величаем.

Именем Господним благослови, отче.

Священник: Боже, ущедрни ны и благослови ны, просвети лице Твое на ны и помилуй ны.

Чтец: Аминь.

Священник: Христѣ, Свете Истинный, просвещая и освящая всякаго человека, грядущаго в мир, да знаменается на нас свет лица Твоего, да в нем узрим Свет Неприступный: и исправи стопы наша к деланию заповедей Твоих, молитвами Пречистыя Твоея Матере, и всех Твоих святых, аминь.

Лик: Глас 8. Взбранной Воеводе победительная,/ яко избавльшися от злых,/ благодарственная восписуем Ти раби Твои, Богородице,/ но яко имущая державу непобедимую,/ от всяких нас бед свободи, да зовем Ти;// радуйся, Невесто Неневѣстная.

Священник: Слава Тебѣ, Христѣ Боже, упование наше, слава Тебѣ.

Лик: Слава Отцу и Сыну и Святому Духу, и ныне и присно и во вѣки вековъ. Аминь. Господи, помилуй, **(Трижды)** Благослови.

Отпуст

Воскресый из мертвых Христос Истинный Бог наш, молитвами Пречистыя Своея Матере, преподобных и богоносных отец наших и всех святых, помилует и спасет нас, яко Благ и Человеколюбец.

Лик: Господи, помилуй, **(Трижды)**.